

171
D E
IVRE CORONANDI
P R O
ELECTORE MOGVNTINO
DISSERTATIO.



MOGVNTIÆ,
Apud NICOLAVM HEYLL.

c13 13c lv.



DISSERTATIO
DE
IURE CONSECRANDI
REGES ROMANORVM,
QUA ALTERUM COLONIENSE
SCRIPTUM EXPENDITUR.



CONTROVERSIA est inter Moguntinum & Coloniensem Archiepiscopos de Iure Coronandi Regem Romanorum, vtri eorum illud competat. Jam enim à longo tempore obtinebat, ut Successores omnes in Imperio, quantum id fieri poterat, in sede Regia Aquisgranensi initiarentur; quod autem Aquisgranum in Diœcesi Colonienſis Archiepiscopi ſitum eſſet, ideo Colonienſes Archiepiscopi ad ſe hoc ius ſpectare contendebant, Moguntini autem idem ſibi vindicabant, quod ſedes Moguntina prima eſſet inter omnes, & omnium Germanicarum ampliſſima, electa in Metropoliſ ab omnibus Francorum Principibus, & à Zacharia Pontifice confirmata, cuius eâ de re ad S. Bonifacium literæ adhuc

A

adhuc supersunt. Primates enim erant totius Germaniæ Moguntini Archiepiscopi: Obtenet autem usus in omnibus penè Christianorum Regnis, ut qui in quoque Regno inter Ecclesiasticos primum locum obtinent, illi etiam Reges consecrent;

2. Diu igitur fuit certatum inter utrumque, & quidem initio Moguntini præ Colonienſibus primas tulerunt, ut in ipsa etiam Vrbe Aquisgranensi præsentibus Colonienſibus Archiepiscopis coronationem peragerent. Tandem tamen & Imperatorum studio, & obtento semper lure Diœceſeos, inualuit consuetudo, ut, si qui coronandi essent Reges Romanorum, illi Aquisgranum proficiscerentur, atque in eâ Vrbe sacrum faciente Colonienſe Archiepiscopo ab eo coronarentur: Nihil enim unquam aliud ab Archiepiscopis Colonienſibus, quantum quidem ex antiquis monumentis constat, pro vindicanda sibi Regum Romanorum coronatione allatum fuit, quam quod Vrbs, in qua illa fieri consueverat, in eorum Diœceſi sita esset, Moguntinis eandem sibi propter primatum Sedis, & tot Reges ab ipsis coronatos asserentibus, Treuirensis quoque propter sedis antiquitatem aliquando competitor fuit, sed nunquam in consortium admissus, ut semper omnis Controuersia inter Moguntinum & Colonienſem constiterit, pro quo quidem consuetudo & usus tandem obtinuit, ita tamen, ut si forte Colonienſis defuiſſet officio suo, & fors ita tulisset, suum sibi lus iterum assererent Moguntini, tum præsertim, cum extra Diœceſin Archiepiscopi Colonienſis, coronari Regem necesse esset.

3. Quod verò hætenus communi usu fuerat receptum, id demum promulgatâ consensu procerum & statuum à Carolo Quarto publica sanctione, quam Auream Bullam

lam

lam vocant, in legem transijt, adeoque quotquot fuere a Carolo Quarto vsque ad Maximilianum Secundum Imperatorem Aquisgrani consecrati, ij, nemine refragante, ab ArchiEpiscopo Colonienſi tanquam in eius Diœceſi fuere coronati; ab eo vero tempore, quod integrum propemodum ſeculum conficit, quotquot fuere Imperatores, vtinon in Diœceſi Colonienſi, ita neque ab Electore Colonienſi, ſed à Moguntino ex veteri iure fuerunt consecrati, & coronati. Id proprio iure à Moguntinis Electoribus factum fuiſſe, aut fieri potuiſſe negant Colonienſes, aiunt Moguntini, quanquam de eo non adeo poterant eſſe ſolliciti, freti iure ſuo tot annorum decurſu, & tot actibus ipsis Electoribus Colonienſibus præſentibus, neque refragantibus exercitis, acquiſiro.

4. Quinque autem ſunt potiſſimum, quæ Colonienſis cauſæ patronus pro vindicanda Electori ſuo Regum Romanorum Coronatione, nuper altero ſcripto contra Moguntinum Electorem expoſuit, quibus, ſi accuratè excutiantur, minimè probat, quod probandum ſuſceperat, ius nempe coronandi Regis Romanorum, non ideo à Moguntino ad Colonienſem Electorem fuiſſe translatum, quod Aquisgranum in Diœceſi eius eſſet ſitum, & eo quoque intuitu à Carolo Quarto confirmatum, ſed ita eo iure Colonienſes ArchiEpiscopos ſemper & à Carolo Magni vsque ætate fuiſſe vſos, vt illud eorum oſſibus inherere cenſendum ſit.

Primum enim à Carolo Magno hoc priuilegio Urbem Aquisgranum & Colonienſem ArchiEpiscopum fuiſſe ornatum.

Deinde fuiſſe hoc ius Colonienſi ArchiEpiscopo bullis variorum Pontificum & Imperatorum reſcriptis aſſertum.

Tertio à Colonienſibus ArchiEpiſcopis & ante & poſt Auream Bullam ſemper fuiſſe uſque ad Maximilianum ſecundum exercitum, neque à Moguntinis, niſi raro, & iſtis conſentientibus uſurpatum.

Quarto confirmatum publica ſanctione à Carolo Quarto ſine ullo Diœceſis Colonienſis intuitu, nullâque addita limitatione.

Demum functiones à Moguntinis Electoribus in Coronatione poſtremorum Imperatorum exercitas, veteri Electorum Colonienſium iuri minimè obefſe aſſerit.

5. Et verò quod primum attinet, an Carolus Magnus anno 804. præſente Leone Tertio Pontifice ſanxerit, ut in templo Beatæ Mariæ Virginis ſedes Regia locaretur, & locus regalis & caput Eccleſiæ trans alpes haberetur, ac in ipſa ſede Reges ſucceſſores & hæredes regni initiarentur, noſtra nunc nihil admodum attinet. Carolus quidem & Ludouicus Pius magnam vitæ partem tranſegere Aquisgrani, vnde locus & ſedes regia ab ipſo Carolo vocata fuit. Nichardus autem lib. 4. Palatium aquenſe ſedem primam Franciæ vocat. Vnde etiam propter memoriam iuſſumq; Caroli Magni coronationem ibi peragendam eſſe creditum fuit, nec metu graſſantis peſtis deferri potuit Carolus Quartus, quin ad coronationem ſuſcipiendam illuc proficiſceretur, ut ait Hartm. Maurus de Coron. Caroli Quinti. Günthero quoque Ligurino idem perſuaſum erat, cum ſcriberet;

*Hoc ſibi prima loco velut icunabula regni,
Carolus eſſe volens, magno cum Francia Regi
Vir aque ſeruiret, primam geſtare coronam
Inſiſſe, & in ſacra Reges ibi ſede locari.*

Sed tamen tota illa narratio non alia nititur fide, quam ipſorum Aquenſium verus quoddam prætenſum Caroli Magni priuilegium in eam rem venditantium.

Quod si verò quispiam, qui in expendendis monumentis antiquis exactiori utitur iudicio, totum illud Caroli Magni priuilegium, ex quo in scripto Colonienſi nonnulla adducuntur, in dubium vocare veller, poterat utrique in medium afferre argumenta, quibus ſuam ſententiam probaret, quantumuis illa Carolina Conſtitutio inſerta ſit tota Diplomati, quo Fridericum Primum & Secundum Imperatores eandem confirmaffe tradunt, qui illam & Friderici Diploma referunt, ſcriptores, & inter eos etiam Goldaſtus tom. 2. Conſtit. Imp. Ipſe quidem Petrus à Beck, cuius auctoritati tantum videtur tribuere patronus cauſæ Colonienſis, faterur cap. 1. à multis Carolinam Conſtitutionem vocari in dubium; Reuerendus quoque Pater Bollandus Societatis Jeſu, tom. 2. de Vitis Sanctorum 28. Januarij, cum vitam Caroli Magni recitat, ita pro ſua modestia de hoc priuilegio ſcribit: *Hoc diploma alij iudicent, complura in eo miramur, nam ſuſpectare aperte quæ alter Imperator recitat, & traditio Aquenſis Eccleſia tuetur, vix audemus.* Et iterum: *Venit ad Carolum Leo Tertius exeunte anno 804. ſed non legitur accitus ab eo fuiſſe; perduſtus tamen eo eſt Cariſiaco Aquasgrani.* Haud igitur obſcurum eſt, quid P. Bollandus de hoc priuilegio ſenſerit: ſed illud nunc quidem noſtra parum refert.

6. Nam de loco ubi coronari Reges & Imperatores Romanorum fas ſit, nulla nunc eſt quaëſtio, An vero munus conſecrandi Reges ab eodem Leone Tertio & Carolo Magno circa annum 804. collatum ſit Colonienſi Archiepiſcopo, quis ait? laëtat Colonienſis cauſæ patronus, aliquot Pontificum bullas in rabulario Colonienſium Archiepiſcoporum reperiri, ex quibus manifeſto conſtet, iam ab initio Imperij Germanici hoc Ius ad Co-

lonienses Archiepiscopos spectasse, ubi vero ad rem ven-
tum est, nullos producit, Petrum tantum à Becknupe-
rum scriptorem testem laudat, qui Carolum Magnum
Hildebolldum hoc munere ornasse referat, in historia A-
quisgranensi. Sed neque hoc air Petrus à Beck, cum cap.
7. ea de re ageret, neque si id diceret, hoc cene probasse
fuerit? Cur non producantur veteres illæ Pontificum
bullæ? Sanè tantum operæ facile merebatur nobilis hæc
controuersia. Ego vero neque apud contaneos scripto-
res, quorū aliquot habemus, neq; apud posteriores quid-
quam tale inuenio. Ne quidem Colonienſium ArchiEpi-
ſcoporum quenquam eo priuilegio, quo res penè tota
confici poterat, vſum fuiſſe conſtat. Vſos vero eiufmodi
priuilegio dici poſſet, ſi vel oſtentaffent vnquam vel in-
ſecutos poſt Carolum Magnum Reges & Imperatores
coronaſſent. Familiariffimum fuiſſe Carolo Hildebol-
ldum lego in Thégano cap. 7. de vita Ludouici Pij, orna-
tum ab eo munere hoc, quo deinde ArchiEpiſcopi Colo-
nienses in coronandis Imperatoribus ex familia Caroli
Magni vſi fuerint, nuſpiam lego: Neque etiam vlla illius
in Carolina Conſtitutione ante allata, aut vſpiam alibi ſit
mentio. Neceſſe igitur eſt, vt melioribus teſtibus pro-
betur, hoc priuilegium perſonale à Carolo Magno Ar-
chiEpiſcopo Coloniensi collatum fuiſſe, vt fide dignum
haberi, & ab vſlo prudente admitti poſſit. Nec quicquam
magis è re fuerit, quam illas ipſas Pontificum Bullas ad
vindican- dum hoc perſonale priuilegium ex Archi-
uio produci, vt eiufmodi auctoritate allata de re tota rectius
tranſigi poſſit.

7. Alterum quo Patronus cauſæ Coloniensis regias
in Germania Coronationes etiam extra Diœceſin ſuis E-
lectoribus aſſerit, nritur auctoritate quarundam bulla-
rum

rum Pontificiarum, & rescriptorum Imperialium, Et quidem quas affert bullas Pontificum, quinto primum à Carolo Magno seculo editas ex Odorici Rinaldi continuatione Annalium Barronij excerptis: Verustiores enim bullæ, quibus hoc Ius ab initio Imperij Germanici penes Colonienſes Archiepiscopos fuisse probari poterat, adhuc in tabulario, si credere fas est, asseruantur: Quas adducit, Innocentij Tertij esse ait, Clementis Quarti, Urbani Quarti, & Gregorij Decimi, quam rectè, quâue fide, ipse mihi præbit Rinaldus. Solus enim est Innocentius Tertius, cuius autoritate nititur, Res vero ita habet. Mortuo sub finem seculi duodecimi Henrico Sexto Imperatore Friderici Primi filio, scissis Electorum & Principum studijs, alij quidem Philippo Sueviæ Duci, alij autem Ottoni filio Leonis Magni Saxoniz & Bauariæ Ducis, ex Angliâ accersito studebant: Inter eos primas tenebat Adolphus Colonienſis Archiepiscopus. Conradus autem Moguntinus Archiepiscopus tum fortè aberat in Oriente, reuersus primum in Germaniam, cum inter se diuisa tota bello arderet, frustra vtrumque Electum Imperatorem conciliare conatus, quorum vterque operam dabat, ut Summi Pontificis, qui tum erat Innocentius Tertius, gratiam colligeret: Ea in re negligentior fuisse Philippum Ottone ait Rinaldus anno 1108. num. 58. Hic enim scriptis ad Pontificem literis, quantum parens eius molestiz & ærumnarum exhausisset, ut Romanam Ecclesiam contra Fridericum Primum tuere-
 tur, pluribus exposuerat, seque in augustorum sede apud Aquisgranum locatum, consecrationem & coronationem de manu Adolphi Colonienſis Archiepiscopi accepisse significauerat, Erga Philippum autem non poterat summus Pontifex ita bene esse affectus, memor iniuria-
 rum,

rum, quas à Suevis Imperatoribus Romani Pontifices sa-
pius pertulissent; quemadmodum eas in deliberatione
Innocentij Pontificis super facto Imperij de tribus Ele-
ctis, Friderico nempe Secundo tum puero, Philippo &
Ottone expositas adducit idem Rinaldus annio 1200.
num. 26. & seqq.

8. Cum igitur Innocentius constituisset secum non
consentire in Electionem Philippì Sueviæ Ducis, vt Ger-
manix Italiæque procerum animos à Philippo auersos
Otoni conciliaret, eo etiam argumento ad eos vsus est,
*quod Philippus, nec ab eo qui potuit, nec vbi debuit, fuerit co-
ronatus, cum Tarantasiensis ArchiEpiscopus tanquam extra-
neus & ad quem id minime pertinet, euocatus, ei regni præsura
pserit imponere diadema.* Ita scribit ad Principes Germa-
nix apud Rinaldum anno 1200. §. 23. In deliberatione
autem facti apud Rinaldum, qua præcipuas rationes seu
merita causæ vtriusque Electi Imperatoris Pontifex ex-
pendit, coronationis non meminit. Tum etiam rectè id
argumentum urgere poterat Innocentius Tertius. Quid
enim Coronatio Regis Germanix Tarantasiensis Ar-
chiEpiscopi, extranei hominis, intererat, haud dubie ali-
ter locuturus, si Philippus à Conrado Moguntino Archi-
Episcopo, qui tum aberat in Oriente, & reuersus nemini
prorsus se addixerat, teste Vrspergensis, fuisset coronatus,
quod ab eo reduce factum fuisse, sed falsò, ait in annali-
bus Anglicis Rogerius.

9. Quanquam enim Innocentius Tertius, vt partes
Otonis eò rectius promouiret, Adolpho Colonien-
si passim hoc ius assererat, quod ab ipso coronandi essent
Reges Romanorum, vbi tamen ad Conradum Mogunti-
num scribit, eumque hortatur, vt sedis Apostolicæ sen-
tentiam recipiat, eumque Imperatorem profiteatur, quem
ipse

ipse iure fuisse electum agnouisset, postquam natrauerat, expugnato & capto Aquisgrano, Ottoni in Augustali sede posito ab ArchiEpiscopo Colonienſi Regni coronam impositam fuisse, addit, *sicut ad ipsum de iure dicitur pertinere. Dicitur* ait, non debet uti in scripto Colonienſi hæc verba adducuntur ex Rinaldo ad annum 1267. §. 30. quò particulam epistolæ repetit, quam integram ante inseruerat historiæ suæ ad annum 1199. num. 29. Quanquam idem Innocentius III. verbis in scripto Colonienſi citatis, cum Clementis IV. essent, ad ArchiEpiscopum Treuirenſem scripserat, non esse dubium, quin coronatio Regum Alemannorum ad Colonienſem ArchiEpiscopum pertineat, neq; deliquerit, quare meruerit suâ dignitate priuari, cum, si etiam deliquisset, per Tarantasiensem ArchiEpiscopum suo non erat iure priuandus, cuius ipse iurisdictioni minimè subjaceret, apud Rinaldum ad annum 1267. §. 21.

10. Deinde omnino notandum est, Innocentium III. iungere, & locum, & personam. Vti enim tuetur partes Ottonis, quia erat ab ArchiEpiscopo Colonienſi coronatus, ita etiam ideo eas potiores esse ait, quia id Aquisgrani contigerat, quam eam ob causam expugnarat Otto, ut in illâ coronari posset. Ità enim scribit Innocentius literis ad Procères Lombardiæ datis, & alijs ad Bertoldum Zaringiæ Ducem, apud Rinaldum ad annum 1205. num. 23. non Clemens IV. uti est in scripto Colonienſi: *Dux Philippus nec ubi debuit, nec à quo debuit, coronam & vñtionem accepit, Rex verò Otto, & ubi debuit, videlicet Aquisgrani, & à quo debuit, scil. à venerabili fratre nostro, Colonienſi ArchiEpiscopo recepit utrumque.* Hæc est celebris illa & decantata bulla, inserta deinde iuri Canonico, & incipit venerabilem ext. de Elect. & electi potest. quàm integram etiam recitat Simon Schardius cap. IV. de origine Electorum.

Et si verò tota propemodum inserta est decretalibus, hæc tamen verba ex mediâ epistolâ omiſſa sunt, neque in decretalibus comparent.

11. Quicquid verò de eo sit, quæstio nunc non est, de illo, an hodie Aquisgrani alteri cuiquam; quam Coloniensi ArchiEpiscopo coronare fas sit; sed quò iure ad eum hoc ius translatum sit, quum antea in ipsâ illâ vrbe Moguntini conorarent, & ad quem hodie spectet, si coronationem extra diœcesin Coloniensem institui necesse sit. Innocentij autem III. ætate, iam à centum quinquaginta & amplius annis obtinuerant Colonienses ArchiEpiscopi, vt quotquot interea fuere coronati Aquisgrani Reges Romanorum, id eorum potissimum opera fieret; Moguntini quoque ArchiEpiscopi, postquam semel Lupoldus ArchiEpiscopus loco cesserat, non admodum amplius refragabantur. Eadem tamen habebatur loco coronationi destinato, quæ personæ, quæ eam perageret, reuerentia: Quin ideo existimabatur Reges Romanorum à Coloniensibus ArchiEpiscopis debere coronam suscipere, quod Aquisgranum huic functioni peculiariter destinatum, nec quenquam ritè imperium aditurum esse crederetur, qui non in eâ vrbe in sede Regiâ locatus, & diademate cinctus fuisset. Notum enim est quam olim maiores nostri eiusmodi consuetudinum fuerint retinentes.

12. Quum igitur videret Philippus Dux, quam ægrè ei faceret Innocentius ostentatione coronæ, Ottoni Aquisgrani ab Adolpho Coloniensi impositæ, & quantum hoc ei obesset, redire in gratiam cum Adolpho, & ab eo iterum coronam Aquisgrani suscipit. Eâ de re cum aliquid inaudisset Innocentius III. vt nutantem Adolphum in officio contineret, cæpit eum lacerare interrogationibus,

hus, ait Rinaldus ad annum 1202. num. 27. & ei grauissima & firmissima ingerere argumenta, quibus eiusmodi facinus à ratione admodum abhorreere ostenderet. Ea verò sunt, quæ in scripto Coloniensi partim adducuntur, & ita habent: *Quis crederet sanæ mentis quod Ottonem desereres & abijceres, quem creasti, & illi adhereres pariter & faueres, qui in Coloniensis Ecclesia actus persona contemptum, ad quam principaliter inter reliquos principes electio Regis spectat, per intrusionis vitium nomen sibi Regium usurpauit, & in maius tui honoris dispendium & persona despectum, cum tu solummodo Reges in Imperatores electos coronare debeas ex antiquâ Coloniensis Ecclesia dignitate, per Tarantasiensem Archiepiscopum imponi sibi fecit coronam.* Metuebat enim Innocentius, ne Philippus Dux hæc ratione, vel inuito ipso speraret se obtenturum, quæ vellet; Haud ægrè tamen fateamur, ex his & prioribus Innocentij Summi Pontificis literis hoc probari posse, deberi antiquæ Coloniensis Ecclesiæ dignitati, quod eius Archiepiscopus vel in ipsâ suâ diocesi coronet, & quod solus id fecerit, iam ætate Innocentij, consuetudine ab Henrico III. vsque introductâ & continuatâ.

13. Nunquid verò Philippus Rex, postquam secundò fuit coronatus Aquisgrani, ideo quicquam profecit? Nequaquam. Quod semel animo decreuerat Innocentius III. in eâ sententiâ perstitit. Quas enim auersioris ab ipso animi causas datis ad omnes penè Principes Christianos literis perscripserat, quasque passim tomo XIII. Annalium refert Odoricus Rinaldus, ex non permittebant, ut meliori erga eum esset animo. Adolphum quoque Coloniensem Archiepiscopum, quod partes Philippi amplexus eum ipso inuito iterum coronasset Aquisgrani, per Sigefridum Moguntinum Archiepiscopum sede deiecit,

& Brunonem subrogat, quo mortuo, quum interea Innocentius III. ab Ottone queque Imperatore, quem more solenni Romæ diademate cinxerat, quod non impleteret, quæ sedi Apostolicæ promiserat alieniori cæpisset esse animo, & promulgatis in eum censuris indignum iudicasset Imperio, atque Proceres Germaniæ, vt Fridericum II. Henrici Imp. filium, & Philippi ex fratre nepotem, sepositis ijs rationibus, ob quas eum antea ad imperium non admittendum statuerat, cohortatus esset, Theodoricus autem Coloniensis Archiepiscopus, qui Brunoni successerat, non ita protinus Pontifici nescio quam ob causam morem gereret, & Ottonem, ob quem desertum Adolphum exauctorauerat, vnà cum alijs Imperio abdicare velleret, minimè ægre tulit Innocentius Tertius, aliquot annis post, nempe anno 1215. Fridericum Secundum, cuius ipse electionem approbauerat, à Sigefrido Moguntino Archiepiscopo, solenni Pompa in ipsa vrbe Aquisgranensi inaugurari, & regijs insigniri ornamentis. Non tantum non ægre tulit hoc Innocentius, sed etiam gratissimum ei fuit.

14. Quæ deinde afferuntur in scripto Coloniensi, cetera à Clemente Quarto ad Coloniensem, Treuirenssem & Moguntinum Archiepiscopos essent scripta, pro afferenda Coloniensi Regum Romanorum coronatione, ea, vt etiam antea notauimus, non sunt Clementis Quarti, sed Innocentij Tertij, & ideo videntur à Patrono causæ Coloniensis sub nomine Clementis Quarti allata, vt plures Pontificum bullas ostentare posset. Sin autem Clementis Quarti, reuera esse credidit, sanè non satis accuratè in hoc negotio versatus est, & meritò omnibus suam industriam reddit suspectam. Velenim hoc solum meminisse poterat, Adolphum Coloniensem Archiepiscopum, ad quem

quem Clementis Quarti, verba affert, iam LX. annis ante Clementem sede sua ab Innocentio Tertio fuisse motum. Causa aurem erroris inde nata auctori scripti Coloniensis.

15. Sublato è vivis Friderico Secundo Imperatore in diutino illo interregno, quo Germania multos vidit eligi Imperatores, regnare neminem, in summâ licentiâ vllius etiam æqui Imperij impatiens, pars Electorum & Principum Richardum Anglum Cornubiæ Ducem, pars Alfonso Regem Castellæ elegerat, nulli si profusus domesticis sumptibus autoritate suâ in Imperio vti voluisset, favebat. Erga Richardum propensiore erant summi Pontifices animo, & is coronam Imperij à Coloniensi Archiepiscopo iam susceperat, minus verò erant affecti erga Alfonso Regem Castellæ qui fortassis non tam regendæ Germaniæ desiderio captus, quam illam sibi potiundæ Italiæ occasionem oblatam esse ratus, nihil magis urgebat, quam ut Romæ quamprimum à summo Pontifice coronâ Imperiali redimiretur. Clemens igitur Quartus, ut animum Alfonso ab illâ cogitatione auerteret, scriptis ad eum literis docet Alfonso, esse hoc in vso positum in Imperio, & hætenus ita fuisse observatum, ut fas non sit Romano Pontifici ante quenquam coronare in Imperatorem electum, qui non antea fuerit Aquisgrani more solenni Regio diademate redimitus. Ut autem Princeps exterius, atque consuetudinum Imperij ignarus, eo rectius sciret, quid mors esset in Imperio, addit, mittere se nonnulla ex regestis Innocentij Tertij excerpta, quæ is scripserit, quum Philippus & Otto uterque discordantibus votis electus, & diversis locis coronatus, ab Innocentio Tertio diadema Imperij petissent. Innocentij igitur Tertij sunt, quæ Clementis esse Quarti existimavit auctor

scripti Colonienſis. Satis verò de Innocentio Tertio dictum eſt, cuius autoritas non ferit hoc in negotio Moguntinum Electorem, de coronatione quæ in diœceſi Coloniienſi inſtituitur, minimè nunc ſollicitum.

16. Quod vero Urbanum Quartum attinet, ne is quidem quicquam facit pro Colonienſi Archiepiſcopo, neque enim verba ſunt Urbani Quarti quæ in eo ſcripto afferuntur. Miſerat etenim vterque Regum designatorum, Richardus & Alphonſus, oratores ſuos Romam, ad Urbanum Quartum Pontificem petitem diadema Imperij. Vtriuſque Oratores iura ſuorum Regum, quibus ad adipiſcendam Imperij coronam niterentur, quam poterant firmis rationibus ſtabiliuerant: Et Alphonſi quidem Oratores Regem ſuum à maiori parte Electum eſſe dixerant, nec quicquam valere coronationem, ſi coronatus non fuiſſet antè electus. Urbanus igitur Quartus, datis ad Richardum literis, cui exemplo ſuorum antecelſorum magis fauebat, ei totam diſceprationis ſeriem exponit, vt, ſi quæ ab ipſius oratoribus prætermiſſa ad cauſam ſtabiliendam, vel ad diſſoluendam, quæ Alphonſus obiecerat, haberet argumenta, in medium adduceret. Hæ igitur literæ Urbani Quarti quas refert Rinaldus ad annum 1263. num. 53. lectu dignas, quum multa ex ijs diſci poſſint, quæ ſtatum Imperij, qualis tum in Imperio erat, & eligendi rationem concernunt, non continent Pontificis iudicium, ſed narrationem eorum, quæ vtriuſque Regis designati Oratores coram Pontifice dixerant.

17. Et Richardi quidem Oratores expoſitis *conſuetudinibus circa Electionem noui Regis, à Principibus votum in huiſmodi electione habentibus, qui ſunt ſeptem numero à tempore, cuius memoria non exiſtat, ſeruari ſolitis*; conſuetudines quæ coronationem ſpectant, ita coram Pontifice expoſue-

expofuerant: Electio tunc taliter celebrata, Electus fi coronationi confenferit, ante Aquisgranum, per dies aliquos facta mora, infra annum & diem post celebratam electionem eandem, quando Electus voluerit, per Colonienfem Archiepifcopum, ad quem id ex officio fpectat, inungitur confecratur & etiam coronatur, quo facto cuilibet via praecluditur contra electionem, vel electum iam Regem Romanorum effectum, dicendi aliquid vel etiam opponendi, fed idem electus, praedicto modo inunctus, confecratus & coronatus, pro Rege habetur, & ei tanquam Regi debet à fubditis & vafallis Imperij obediri, fuis more homagia, & fidelitatis iuramenta praestari, assignari Ciuitates, oppida & Castra, & fpecialiter Castrum de Treveles, ac alia iura Imperii, infra annum & diem à tempore coronationis eiusdem: ita quod fi qui de vafallis Imperij ei homagia non praestiterint confueti, & non reddiderint ciuitates, castra & alia fupradicta illis, quae ab Imperio tenent eodem, funt eo ipfo priuandi. Ita Richardi Oratores confuetudines circa coronationem explicauerunt. Quis verò negat id ita obtinuiffe eo tempore? Vt antiquo vfù erat receptum; vt Aquisgrani propter memoriam Caroli Magni confecrarentur Reges, ita etiam obtinuerat, & propter tot annorum confuetudinem id ex officio ad Colonienfem fpectare credebatur, vt Colonienfis Archiepifcopus hoc munere in vrbe fuae Archidiaeceseos defungeretur.

18. Gregorius autem Decimus qui anno 1274. generali Lugdunenfis Concilio praerat, Colonienfis Archiepifcopi difertis verbis non ineminit: Electo enim post tot annorum interregnum consentientibus votis Rudolpho Habspurgenfi Comite, vno Ottocaro Rege Bohemiae excepto, quum nihilominus Alfonsus Rex Castellae se Regem Romanorum diceret, vrgeretque Pontificem, ne Rudolphum admitteret, cuius electionem, ipso ante à maiori

maiori parte electo, rescindi debere aiebat; Gregorius
 Decimus, qui in concilio Rudolphi Oratores ad miserat,
 Regemque dixerat, scribit primum ad nuntium, quem in
 Hispania habebat, dicat Alfonso, *Rudolphum iuxta Impe-*
rij consuetudines hactenus obseruatas apud Aquasgranias Re-
gni Alemannia coronam esse adeptum, & regnum ipsum cum fa-
uore omnium vocem in electione habentium Imperatoris, una
duntaxat excepto, ceterorumque regni eiusdem Principum,
Magnatum & aliorum pacifice obtinere. Tum datis ad ipsum
 Alfonsum literis, quibus eum grauitur monet, vt depo-
 nat ex animo cogitationem de Imperio, varijs adductis
 rationibus, tandem ait, *incommutabilem esse apud Germanos*
consuetudinem, vt ad decus & diadema Imperij peruenire ali-
quem non permittant, quem prius solenniter corona Regni Ale-
mannia non decorauerit, iuxta quam consuetudinem A-
quisgrani coronatus fuerit Rudolphus: vti ea recenset
 idem Rinaldus ad annum 1274. num. 48. & 50. Grego-
 rius igitur Decimus quem in ipso Concilio Lugdunensi
 presentibus plus quam sexcentis Episcopis iuxta Colonien-
 sis Archiepiscopi ad stipulatum esse ait, eius ne quidem
 meminit, vrget tantum, quod Rudolphus Aquisgrani
 fuerit regio diademate redimitus. Vt enim ritè censere-
 tur peracta inauguratio, non tam de eo solliciti erant, vt à
 Colonienſi Archiepiscopo coronam Regiam susciperent,
 quam vt id fieret Aquisgrani in sede Regia, qui locus ob
 memoriam Caroli Magni & vetustissimam consuetudi-
 nem veluti sacer ipsis erat. Consuetudinis autem illius
 vis eo maior habita fuit, quod ab ipso Carolo Magno hoc
 priuilegio Aquasgranum iam olim ornatum fuisse Aque-
 ſibus crederetur. Hæc quidem causa est, quod non ra-
 ro electi Reges Germaniæ, urbem Aquasgranum si forte
 infesta ipsis esset ciuitas, summa vi, & maximis impensis
 oppu-

oppugnarunt; vt eâ potiri, & in illâ vrbe consecrari possent, quum tamen præsto ipsis essent Colonienſes Archiepiſcopi, à quibus in aliâ quâdam vrbe vngi poterant, niſi eos potior antiqui moris in illâ vrbe percipiendi conſecrationem ſollicitudo tenuiſſet.

19. Quum igitur ſummi illi Pontifices, quorum ſententia hætenus fuit expenſa, narrent tantum quid moris fuerit in Imperio, atque ſuo etiam ſuffragio comprobent receptam illam in Imperio conſuetudinem, qua eo tempore coronari Reges Romanorum Aquisgrani, & quidem à Colonienſib⁹ Archiepiſcopis, moris erat, de eo autem inter Moguntinum Electorem & Colonienſem nulla ſit contentio, parum admodum ad rem propoſitam facere has bullas Pontificum cenſendum eſt, quanquam autor Reſponſi Colonienſis magnam in ijs ſpem poſuiſſe videtur, adeò vt Benediſti Pontificis bullam præ his, quas ipſe aſſert, prorsus contemſerit. Si quis tamen inter ſe conferat Benediſti & Innocentij bullas, vtra maioris ſit ponderis, haud difficulter æſtimauerit: Ita enim habent Benediſti verba ad Willigiſum Moguntinum Archiepiſcopum, priori quoque ſcripto Moguntino inſerta: *Pallij uſum, quem ad Sacerdotalis officij decorem, & ad oſtendendam vnanimitatem, quam cum B. Petro Apoſtolo vniuerſus grex dominicarum onium, qua ei commiſſa ſunt, habere debet, à ſede Apoſtolica ſic vt decet poſceſti, libenter fraternitati tue conceſimus, atque illud tibi tranſmittimus, quocirca vti eo memineris, ſicut prædeceſſores noſtri tuis prædeceſſoribus conceſſerunt, ſeruandâ duntaxat priuilegiolorum tuorum integritate, quo in totâ Germaniâ & Galliâ poſt ſummi culmen Pontificis in omnibus Eccleſiaſticis negotijs, id eſt, in Rege conſecrando, & ſynodo habendâ cateris*

C

omnibus

omnibus tam Archiepiscopis quàm Episcopis Apostolicâ auctoritate, sicut iustum & rectum esse videtur, præmineas. Hæc utique haud parum differunt à bullis Innocentij Tertijs. In illis enim narratur tantum, quid moris tum fuerit in imperio, Benedictus autem Apostolicâ auctoritate constituit atque decernit, ut eo iure præ reliquis emineat, quemadmodum etiam Willigisum id exercuisse Annales nostri tradunt, & addit firmam solidamque rationem, quare Moguntini Archiepiscopi potiores in consecrando Rege partes esse debeant, nempe, quia in totâ Germaniâ primus sit inter omnes Ecclesiasticos. Hæc verò ratio hodiernum validâ est, atque idcò Moguntini Archiepiscopi non plus censi debent de iure suo remisisse, quàm de quo apertè constat.

20. Regerit autor scripti Colonienſis, non esse additum cuius sit Benedicti. Quid verò hoc magnopere opus erat? Notum enim est quo tempore Willigisus vixerit, adeoque facile sciri poterat, quotus eo tempore Benedictus, Septimus nempe, Apostolicam sedem tenuerit. Tum ait, sine die & consule esse citatam. Nunquid verò ille diem & consulem, ut cum eo loquar, suis bullis adscripsit. Res ipsa loquitur, ita tum actum fuisse, atque Benedictus sanxerat. Willigisus enim Ottonem Tertium & Henricum Secundum, Aribon Conradum Secundum eo tempore, quo hæc bulla adhuc recens erat, inaugurarunt. Jam de concilijs dubium quoque non est. Omnes penè Synodi quæ post obitum Ludouici Pij habitæ fuere in Germania, aut Moguntiz, aut Wormatiz, aut Triburiz aut Ingelheimij, aut Salegustadij aut Francsfurti fuere celebratæ, ut Moguntinus Archiepiscopus ijs præesse posset. Willigisus ipsemet, ait Adelboldus

Bohus in vitâ Henrici Secundi Imp., habito ab Henrico Secundo Francofurti XXXVI. Episcoporum & Archiepiscoporum concilio præfedit. Fidem haberi postulat bullis adhuc in tabularijs antiquis sepultis, & in dubium audet vocare, quam videri apertè in lucem productam. En verò diem & consulem, nequam in Moguntinis moram esse putet. *Scriptum* (sic finit bulla Benedicti) *per manum Stephani, notarij S. Sedis Apostolica, in mense Martio, Indictione tertiâ.* Hanc esse vilitatam eo tempore subscriptionis formulam, docebunt similes bullæ à Baronio tomo X. annalium productæ & alias satis notum est. Indictio III. incidit in annum 975, quo Benedictus Septimus iniit Pontificatum, Willigisus autem auno præcedente 974. creatus erat Archiepiscopus Moguntinus. Quanquam autem moris est, ut statim Romam mittatur pro impetrando pallio, quia tamen Benedictus Sextus in carcere perierat, & Sedem Apostolicam Bonifacius Septimus inuaserat, non poterat utique prius impetrare Willigisus pallium quam à Benedicto Septimo. Quum igitur apertissime de die & consule constet, non erat quod Coloniensis scripti autor exprobraret Moguntinis, ceu nulla esset eiusmodi Benedicti bulla aut non genuina. Sed quid verat ipsam illam bullam anne ætere? Ita verò habet:

BENEDICTUS EPISCOPUS SERVUS
SERVORUM DEI.



Dilectissimo nobis in Christo fratri, debitæque cum dilectione nominando Willigiso, Venerabili ac dignissimo Sanctæ Moguntinæ Sedis Archiepiscopo, apostolicam salutem. Si Pastores omnium so-

lem geluque pro sui gregis custodia die ac nocte ferre contenti
 sunt, ut ne qua ex eis, aut errando pereat, aut ferinis laniata
 moribus rapiatur, & pro hoc, oculis semper vigilantibus cir-
 cumspectant; quanto sudore, quantaque curâ nos debemus esse
 peruiigiles, qui Pastores animarum dicimur? Quapropter at-
 tendamus, & susceptum officium studiosissime erga custodiam
 dominicarum ouium exhibere non cessemus, ne in die diuini
 Examinis, pro desidiâ nostrâ, inde nos ante Summum Pasto-
 rem negligentia reatus excruciet, unde modo honoris Reueren-
 tia sublimiores inter ceteros iudicamur. Hoc itaque, frater ca-
 rissime, te considerare oportet, & locum tanti culminis, quem
 adeptus es, non ad requiem, sed ad laborem te suscepisse cognosce,
 adhortationis ope fidelium corda corroborâ, infidelium vero
 summopere conuertere. Quod ut facilius assequi merearis, ex-
 hortationem bonorum operum vita tua confirmet, atque ut
 breuiter dicamus, opitulante Deo, irreprehensibilem te exhi-
 bere stude, quod efficaciter facere poteris, si caritatem Magi-
 stram habueris, sicut habere te credimus, quam qui secutus fue-
 rit, a recto aliquando tramite non recedit. Pallij interea vsuri,
 quem ad Sacerdotalis officij decorem, & ad ostendendam vna-
 nimitatem, quam cum Beato Petro Apostolo vniuersus Grex do-
 minicarum ouium, quæ ei commissæ sunt, habere debet, à sede
 apostolica, sicut decuit, poposcisti, libenter fraternitati tuæ con-
 cessimus, atque illud tibi transmittimus, quo ita eo vi memi-
 neris, sicut Prædecessores nostri tuis Prædecessoribus concessê-
 runt, seruata duntaxat priuilegiolorum tuorum integritate, quo
 in tota Germania & Gallia, post summi culmen Pontificis, in o-
 mnibus Ecclesiasticis negotijs, id est, in REGE CONSECRAN-
 DO, & Synodo habenda, ceteris omnibus, et Archiepiscopis, quâ
 & Episcopis, apostolica auctoritate, sicut instû & rectum esse vi-
 detur, præminuas. Etenim decernimus, ut in nascititate Do-
 mini,

mini, & solemnitate Epiphania, Pascha, Ascensionis, Pentecostes, & in festiuitate Beatorum Apostolorum, Petri & Pauli, & Domina nostra semper Virginis Maria, atque illius in cuius nomine vestra Ecclesia dedicata esse videtur, & in eiusdem dedicatione Ecclesia, & in die Natalitij tui, nec non in consecratione Episcoporum Suffraganeorum tuorum, illud indui debeas, adijcienes etiam, pro amore dilectissimi filij nostri, Domini Ottonis, pijsissimi Imperatoris Augusti, vt in celebritate Beatorum Martyrum Laurentij, atque Mauritij, Victoris, Albani, & Sanctorum Martyrum Sergij & Bacchi, specialiter co vestiaris, cuius indumenti honor, quoniam modesta actuum viuacitate seruandus est, hortamur, vt ei morum tuorum ornamenta conueniant, quatenus auctore Deo recte vtrobiue possis esse conspicuus, considerans non paruum opus tibi credita Ecclesia, & benevolentiam affectumque collatum Summa Sedis Apostolica, Sancta Trinitas fraternitatem nostram, gratia sua protectione circumdet, & ita in timoris sui via nos pariter dirigat, vt, post huius vite tristitiam, ad eternam simul perducatur latitiam. Scriptum per manum Stephani, Notarij Sancta Sedis Apostolica in Mense Martio, Indictione tertia.

Demum ait, hanc bullam Benedicti, quæcunque ea tandem fuerit, non posse derogari iuri per bullas anteriores Colonienſi acquisito. Itane vero? Quæ igitur sunt illæ bullæ, quo Pontifice, quo die, & Consule datæ? Nunquid forte Innocentij Tertij dicet? At ille Benedicto ducentis amplius annis posterior est. Nec vetustiorẽ autem neque aliam produxit. Si ad Leonem Tertium redieris, & auctoritatem Petri à Beck, nihil ager. Nemo paulo prudentior non videret quid valeant eiusmodi merces, quibus Patronus causæ Colonienſis eam prodit & sus-

ſpectam reddit, non ſignat. Liceat igitur mihi in parti-
cauſa meliori iure uſurpare uerba eadem, non poſſe iuri
per bullam Benedicti anteriorem, Moguntino Archie-
piſcopo quaſito, poſterioribus bullis Pontificum iſque
tantum narratione meorum, quæ tum fiebant in imperio,
continentibus derogari: Et tamen cedit Moguntinus
Archiepiſcopus ius ſuum ante quaſitum Colonienſi Ar-
chiepiſcopo, ſed in eius tantum diœceſi, nec aliter neque
amplius quidquam Lupoldus Moguntinus Hermannò
Colonienſi Archiepiſcopo ceſſiſſe cenſendus eſt.

21. Bullis, reſcriptis, & testimonijs Pontificum, Impe-
ratorum Romanorum priuilegia, conſtitutiones & aſſer-
tiones prorsus eſſe conſentaneas, ait autor ſcripti Colo-
nienſis. Vbi verò producendæ ſunt in lucem Cæſarum
conſtitutiones, redit ad ſuum Petrus à Beck, qui aſſerat
Carolus Magnus Hildeboldo Colonienſi Archie-
piſcopo peculiari priuilegio munus coronandi Aquisgra-
ni Reges Romanorum conceſſiſſe. Quâ verò fide id aſ-
ſerat, ſiquidem id etiam dixit Petrus à Beck, nullâ utique,
iam ante probatum fuit, & ex ſequentibus erit maniſeſtiſ-
ſimum. Tum quarto primum à Carolo Magno ſeculo
Friderici Primi Imp. quædam adducit uerba, quibus eam,
quæ tum obtinebat conſuetudinem, ut Colonienſes Ar-
chiepiſcopi Aquisgrani coronationem peragerent, con-
firmari nemo negat. Quum enim Adrianus Pontifex
non ſatis prono eſſet erga Fridericum Imp. animo, & lite-
ras ad Principes Alemanniæ eâ de re dediſſet, ij, ut ait Ræ-
deuicus lib. 1. cap. 16. reſcribunt, ſeſe, commonuiſſe Fride-
ricum Imp. eumque reſpondiſſe in hanc ſententiam: *Duo
ſunt quibus noſtrum regi oportet Imperium, leges Sanctæ Imp. &
uſus bonus prædeceſſorum & Patrum noſtrorum. Iſſos limi-*

*res Ecclesie nec volumus praterire, nec possumus: Quicquid ab
 his discordat, non recipimus. Debitam Patri nostro reueren-
 tiam libenter exhibemus, liberam Imperij nostri coronam di-
 uino tantum beneficio adscribimus: Electionis primam vocem
 Moguntino Archiepiscopo, deinde, quod super est, ceteris secun-
 dum ordinem Principibus recognoscimus: Regalem vñctionem
 Colonienſi, supremam verò, qua Imperialis est, summo Ponti-
 fici. Quicquid præter hæc est, ex abundantia est, ex malo est.
 Hæc Fridericus Imperator. Nemo verò est qui neget,
 hauissie Fridericum Imp. ex vsu prædeceſſorum & Pa-
 trum ſuorum, quod primam vocem in electione, vt tum
 erant illius temporis mores, Moguntini eſſe Archiepiſco-
 pi, & Regiam vñctionem Colonienſis ait. Id enim tum
 vsu receptum erat. At verò moris etiam erat, vt non ali-
 bi quam Aquisgrani coronare Reges ſas eſſet, vt ritè om-
 nia fierent. Id ſi fiat, nihil eſt Moguntino cum Colonien-
 ſi negotij. Quid verò arbitramur dicturum fuiſſe Fride-
 ricum Secundum huius Nepotem, qui ab Archiepiſcopo
 Moguntino fuit coronatus Aquisgrani. Is vtique, idem
 enim ei, quod Auo ipſius, cum ſummo Pontifice erat ne-
 gotium, fuiſſet profeſſus, ſeſe Regalem vñctionem Mo-
 guntino Archiepiſcopo, à quo eam acceperat, debere.
 Hæc ſunt illa priuilegia & conſtitutiones Imperatorum,
 quibus idem cum bullis Pontificum conſtitui ait autor re-
 ſponſi Colonienſis. Poterat verò (& ſane feciſſet pruden-
 tius,) de his Pontificū decretis & Imp. conſtitutionibus
 parcius loqui, neque opus erat gloriari, & ad æquū iudi-
 cem prouocare, quod vel ex his, quæ dixerit, probari poſ-
 ſit, quam frivole autor ſcripti Moguntini affirmat, ius
 coronandi Reges Romanorum initio etiam in ipſâ vrbe
 Aquisgrano penes Moguntinos fuiſſe Archiepiſcopos, id-*

que

que tandem ab ijs Coloniensibus Archiepiscopis fuisse concessum, quod Aquisgranum in eorum esset diocesis. Quid enim hactenus allatum est, quo hanc assertionem refellat? Neque enim antiquiorem vllum autorem adduxit, quàm ex quarto à Carolo Magno seculo, qui testatur, quid eo tempore receptum fuerit, nec quisquam refragatur.

22. Ait verò, assertionis, quam Moguntini statuunt, falsitatem longe fore manifestiorem, si singulorum Inpp. coronationes expendantur. Nihil rectius, sequamur præcuntem, ut æquus lector, & æquus iudex sententiam ferre possint, uter rectius veriusque ius suum ex antiquis scriptoribus probauerit. Si qui enim à Pipino vsque ad Henricum III. per trecentos propemodum annos cis Alpes & ab alijs, quàm Romanis Pontificibus, fuere coronati, id vtiq; ope Moguntinorum Archiepiscoporum factum esse constabit. Primus autem, quem à Coloniensi Archiepiscopo coronatum esse, quadantenus probari possit, is vtiq; Henricus Tertius est, Conradi filius, quem Pelegrinus Coloniensis Archiepiscopus consecrauit Aquisgrani.

23. Et primo quidem nihil erat causæ, cur in dubium vocaretur, an Caroli M. Parens Pipin⁹ fuerit à Bonifacio, primo Moguntino Archiepiscopo, vnctus, & consecratus. Id enim asserunt antiquissimi Rerū Francicarū scriptores, & historici omnes latini, teste Baronio anno 754. & Serrario, vno fortè Thegano excepto, qui in virâ Ludouici Pij Pipinum à Stephano Papa consecratum & vnctū esse ait. Nec quicquam refert quod ex epistolâ Ludouici Pij Imp. ad Hildunum, & ex Anastasio Bibliothecario constet, vnctum quoque Pipinum à Stephano Papa: Poterat enim, quæ

quæ meritò erat illorum Regum erga sedem Apostolicam
 reverentia, etiam secundo ungi, neque id novum illa æta-
 te, præsertim cum Pipinus, ut Annales Francici testantur
 anno 738, à Stephano Papa, qui tum forte ad eum venerat
 petiit auxilium contra Héristulphum Regem Longo-
 bardorum, etiam filios suos Carlmannum & Carolum cu-
 rasset ungi in Reges. Id cum agnoscat & prole et Serarius
 lib. 3. rerum Mogunt. cap. 30. not. 38. qua fide quæso dici
 potuit in scripto Colonienſi, ipsimet Serario totam illam
 consecrationis functionem à Bonifacio peractam incer-
 tam videri. At Legatus tum erat Apostolicus Bonifacius.
 Quid verò refert? Quum enim Moguntino potius præsu-
 li, quàm ulli aliorum Archiepiscoporum in regno Franciæ
 hunc honorem habuerit Zacharias Pontifex, haud male
 Bonifacii etiam exemplum pro jure Archiepiscoporum
 Moguntinorum in consecrandis Regibus affertur. Nam
 concessu Papæ paulo ante à Pipino & Carolomanno Boni-
 facius constitutus fuerat Archiepiscopus Capitular. lib. 6.
 num. 2. & Moguntia in Metropoli totius Germaniæ eve-
 cta, atque ipsamet Colonia Metropoli Moguntinæ subje-
 cta fuerat. Ita enim scribit Zacharias Papa ad Bonifacium:
*Autoritate B. Petri sancimus, ut Eccl. sia Moguntina perpetuis tem-
 poribus tibi & successoribus tuis in Metropoli sit confirmata, ha-
 bens has sub se Civitates, i. e. Tuuringis, Coloniæ, Wormatiæ,
 Spiratiæ & Trevis & omnes Germania gentes, quas tua fraterni-
 tas, per suam prædicationem, Christi lumen fecit cognoscere. Qui
 plura volet, adeat Baronium anno 731. & Serarium hist.
 Mogunt. l. 3. cap. 30. & vitæ Bonifacii lib. 2. cap. 13. Aventi-
 no quidem, ut ait Lehmannus Chron. Spir. l. 3. cap. 12. tanti
 hæc unctio visa fuit, ut putaverit ab eâ manasse, quod Ar-
 chiepiscopi Moguntini primas semper tenuerunt in Re-*

D

gum

gum Romanorum electione. Neque ad rem quicquam facit, quod Rex Francorum consecratus fuerit Pipinus: sub eo enim nomine maximam Germaniæ partem tenebat, neque Carolus M. & Ludovicus Pius toti Germaniæ imperitantes initio alio fuerunt nomine usi.

24. Quomodo vero & à quibus deinde Reges Francorum & Imperatores cis Alpes coronati fuerint, non satis ex illius ætatis Scriptoribus perspectum est. Quum enim maxima fuerit eo tempore Archiepiscoporum Moguntinorum autoritas & primi semper habiti fuerint, probabilius utique est, si qui coronati fuerunt in Germaniâ, id à Moguntino potius fuisse peractum, quam ab ullo alio. Et Carolus quidem M. unctus primum fuit vivente adhuc Patre à Stephano Papa, anno 753. ut memorant Annales Fuldenses; deinde iterum Wormatiæ, anno 768, uti ait Lehmannus in Chronico Spir. l. 3. c. 287. coronatus, demum etiam & tertio Imper. fuit consecratus à Leone Pontifice Romæ, quum etiam ante ab Hadriano Pontifice Rex Longobardorum fuisset inunctus. Quod si Wormatiæ coronatus fuit, non utique alius, quam Moguntinus Archiepiscopus id peregerit. Colonia enim tum nondum Metropolis dignitate erat ornata, & adhuc suberat Moguntino.

25. Carolo M. successit filius eius Ludovicus Pius, & solus regnavit, quum fratres eius ante eum diem obissent. Eum ab Hadriano primum Regem Francorum coronatum, dein à Stephano III. quoq; Augustum fuisse appellatum ait Onuph. Panv. de comit. cap. 5. Et primæ quidem coronationis meminit autor coætaneus vitæ Ludovici Pij ad annum 779. *Roma*, enim ait, *Ludovicus Caroli filius, cunarum adhuc usens gestatorio, benedictione regnaturo congruè & regali insignitus est diademate per manus venerandi Adriani.*

ni antistitis. Alterius & Idem is autor meminit cap. 38. ad annum 816. & Theganus eandem describit cap. 16. & 17. Contigit id autem Rhemis, ubi Stephanus III. ante missarum solennia coram Clero & omni populo Ludovicum consecravit & unxit ad Imperatorem, & coronam auream mira pulchritudinis & preciosissimis gemmis ornatam, quam secum apportaverat, posuit super caput eius. Et Irmingardam Reginam appellavit Augustam, & posuit coronam super caput eius. Habebat tum secum Hildebaldum sacri Palatii Archicapellanium, uti vocatur ab autore vitæ Ludovici cap. 38. Coloniensem Archiepiscopum, à quo Ludovicum Pium Aquisgranum anno 813. coronatum esse, ex compilatore Magni Chronici Belgici, scriptore recenti, & Petro à Beck, narrat consarcinator Colonienensis responsi, atq; ita primum exercuisse jus suum, quod ei ante decennium à Carolo M. peculiari privilegio fuerit indultum. Quid vero hoc rei est, rem seriam, tam lubricis adstruere testimoniis? Fuit Ludovicus qui ex Aquitaniâ venerat Aquasgranum ad Carolum Parentem suum jam senem, à Patre renunciatus Imp. consentientibus Episcopis, Abbatibus, Ducibus & Comitibus, quos Carolus illuc evogaverat, & sententiam eos rogaverat, quâ perspectâ, perrexit in Ecclesiam (ait Theganus Trevirensis Chorpiscopus de vitâ Ludovici, qui forte præsens adfuit, c. 6.) pervenitq; ante altare, super quod coronam aliam, quam ipse gestabat in capite suo, iussit poni, postquam diu oraverunt ipse & filius eius. (& Carolus eum graviter fuerat cohortatus) iussit eum Pater, ut propriis manibus coronam, quæ erat super altare, elevaret, & capite suo imponeret. At ille iussionem Patris implevit. Quo facto audientes missarum solennia, ibant ad Palatium. Ita Theganus. Quis igitur ab Hildeboldo Ludovicum coronatum dixerit? Tum etiam erat hæc tantum declaratio, quâ eum Imperatorem Parenti successurum constaret. Quare, cum paulo post.

anno nempe 814. obiisset Carolus, reversusq; ex Aquitania Ludovicus Aquisgranum pervenisset, ibi à multis Francorum millibus eum secundo Imp. declaratum esse; ait autor coætaneus vitæ Ludovici eccl. 36. Pari ratione, ut idem mēmorat cap. 40. voluit Ludovicus Imp. anno 817. in generali placito Aquisgranensi filium suum Lotharium Imperatorem esse & appellari, ut sciret populus, cuius deberet potestas parere. Hunc igitur Lotharium ab eodem Hildelboldo tum coronatum fuisse, opinatur autor responsi Colonien- sis, uti est in lubricas maximè conjecturas pronus. An verò id factum sit, ex ijs, quæ adducta fuerunt, æquus lector facile conjiciet.

26. Ludovico Pio succedere tres filij, qui tandem ita inter se diviserunt regna Parentis sui, ut Lothario, nato majori, Italia cum titulo Imperatoris, & tota Austrasia, ab ipsius nomine deinde dicta Lotharingia, seu regnū Lotharingum, quod teste Sigeberto mediam partem Franciæ inter Scaldim & Rhenum comprehendebat; Carolo (quæ anno 839. Ludovicus Imp. in villa Carisiaco ense accinxerat, & corona regali caput insigniverat, ann. Fuld.) Occidentalia regna à Britannico Oceano usque ad Mosam; Ludovico vero, Orientalia, scil. omnis Germania usque Rheni fluēta, & nonnullæ Civitates cum pagis adjacentibus trans Rhenum propter vini copiam cederent. Ita Nithardus nepos Caroli M. ex filia Berthalib. 3. & 4. Annal. Fuldenses, Marianus Scotus, Regino, Sigebertus, aliiq;. Ludovico igitur Regi cessit Germania proprie dicta, atque Germaniæ Rex fuit appellatus. Is vero in toto suo regno non habebat aliū Metropolitanum, quam Moguntinum Archiepiscopum, cuius summa erat existimatio, ut dubium sit nullum, si quidem coronatus fuit Ludovicus, aut quisquam eius filiorum, de quo tamen non satis constat, quin id factum sit

à Mo-

à Moguntinis Archiepiscopis. Colonia enim & Augusta Trevirorum pertinebant ad regnū Lotharingicum, quod annales Fuldenses anno 900. *regnum Gallicanum* vocant, atque Guntharius Coloniensis Archiepiscopus Regis Lotharij erat Cepellanus summus, uti eum vocat Hincmarus de divortio Lotharij & Theutberge, quod cū approbassent Coloniensis & Trevirensis Archiepiscopi, facre ideo post variā concilia eam ob rem habita, quæ tomō 3. Conciliorum Ecclesiæ Gallicanæ collegit Sirmondus, sedibus suis pulsi à Nicolao Pontifice. Is Lotharius filius erat Lotharij Imp. qui hoc regnum, postquam eius patris in Prumiense monasterium secesserat, frater autem Ludovicus II, Imperatoriam dignitatem & Italiam sibi retinuerat, Ludovici Patris Regis Germaniæ, ad quem ideo Francofurtum venerat, & Procerum consensu fuerat adeptus, uti memorant annales Fuldenses ad annum 855. Interea, dum Ludovicus Germaniæ imperat, Italiam & Cæsaris nomen obtinuerunt Ludovicus II. Lotharij filius, eoque mortuo, Carolus calvus, eius Patruus & Ludovicus III. Balbus dictus, illius filius, qui cum ex Lotharij & Galliarum Regum stirpe fuerint, neque in Germania quicquam possederint, non est quod de eorum coronatione cis Alpes multum simus solliciti. Romæ verò quid factum sit, huc non spectat, (neque enim nunc nobis de Romanâ, sed de regiâ in Germaniâ Imperatorum consecratione sermo est) tum etiâ satis notum est, quando & à quibus Pontificibus fuerint coronati.

27. Mortuo verò anno 869. Lothario Rege, exclusoque proximo hærede Ludovico Imp. fratre Lotharij, quantumvis obstitere Hadriahus II. Pontifex, invasit tamen hoc regnum Carolus Calvus, & *Metis diadema capiti suo ab illius Civitatis Episcopo*, is erat Adventus, *impenni se Imp. & Augustum, quasi duo regna possessorus, appellari præcepit.* Annal. Ful-

denſes anno 869. & ex iis Regino Prumiensis, aliq; Ludovicus autem proximo anno Coloniam occupat miſſoq; illuc Luitberto Moguntino Archiepiſcopo Gunthario Archiepiſcopo Willibertum ſubrogat, & diſiſo eodem anno cum Carolo Lotharii regno Coloniam & Treviros ſuo Regno adiicit, atq; ſynodum Coloniae cogit, cui Metropolitanos provinciarum Episcopos, Luitbertum Magontiacenſium, Bertulphum Trevirorum, & Willibertum Agrippinenſium praefdiſſe iidem annales narrant. Accessit tum etiam ad regnum Ludovici urbs Aquisgranum, quae in tabulis antiquiſſimis diſiſionis inter Carolum & Ludovicum inſtitutae *diſtriſtum Aquenſe* vocatur, quas tabulas Annalibus Brabantiae Fr. Haræus & cap. 20. Codicis Donationum piarum Aubertus Miræus inſeruit. Tum igitur Germaniae regno acceſſit quidem Colonia, ſed eo tempore nondum pars proprie dictae Germaniae cenſita fuit. Arnolphus enim regnum Lotharii anno 894. iterum à Regno Germanico ſeparavit, eiq; filium Zwendiboldum praefecit, qui cum anno 899. apud S. Goarem cum optimatibus ex regno Caroli Galliae Regis, Arnolphi, & ſuis conventum inſtituiſſet; ex regno quidem Arnolphi, nempo Germanico, ei dicitur interfuſſe Hatto, qui tum erat Moguntinus Archiepiſcopus, ut haec omnia narrat Regino qui ea ætate vivebat. Antea vero ſolus Moguntinus in regno Germanico erat Metropolitanus, eiq; quotquot erant Episcopos, ſuberant, quorum Rabanus in ſynodo contra Gothefcalcum habitae XII. recenſet. Quis verò non videt, nullam eſſe rationem quâ Coloniensis Archiepiſcopus ſibi potuerit conſecrandi Regis Germaniae officium primum aſſerere, qui regno Germaniae jam conſtituto primū per aliquot tantum annorum intervallum acceſſerat?

28. Imperatoria quoq; dignitas rediit anno 881. ad

Ger-

Germanos, quum Carolus Crassus, Ludovici Regis filius à Joh. 8. summo Pontifice, Imp. Romanus inauguraretur, quo Francofurti amoto, invitaverunt regni primores Arnolphum filium Carolomanni Regis, ipsum ad seniorelem elegerunt, & sine mora statuerunt ad Regem extolli. Annal. Fuld. anno 887. De functo vero Arnolpho Proceres & optimates ad Forachem Forchem congregati in unum Ludovicum filium prefati Principis regem super secreant, & coronatum Regiisq. ornamentis indutum in fastigium regni sublimant. De hac electione supersunt hodieum literæ Hattonis Archiepiscopi & eius suffraganeorum apud Wiguleium Hund in Metropoli Salisburgenſi, quas is eo tempore dedit ad Hadrianum Pontificem. Regnum autem Lotharij tum adhuc à Germaniæ regno erat separatum, neq; ante, nisi rerum potiùte ipſo Ludovico, & quum post eius mortem iterum invaderetur à Galliæ Regibus, imperante Henrico Primo, magna ex parte iterum ad regnum Germaniæ rediit, ut ne quidem cogitari de eo possit & debeat, quod Colonienſis Archiepiſcopus, qui nunc ad regnum Germaniæ, nunc ad Lotharingicum pertinebat, Reges Germaniæ quos Romanorum Reges appellamus, postquam Imperatoria dignitas ad Germanos tranſiit, coronaverit, Moguntino Interea Archiepiſcopo ſemper primo in Germaniæ regno Metropolitano permanente. Et tamen conſtat indubitato ex antiquis monumentis, coronatos eſſe nonnullos Reges Germaniæ, & quidem in ipſa Germaniâ, uti Ludovicû Forchemij, in archidicceſi tunc Archiepiſcopi Moguntini, quod ab ipſo eſſe peractum minime amplius eſt dubitandum. Ne quidem oſtendi poteſt, quod cum regnum Lotharingicum proprios haberet Reges, eos Colonienſes Archiepiſcopi coronaverint. Carolo enim Calvo Metis Adventicius illius civitatis Episcopuſ diadema impoſuit. Multi etiam Reges non videntur admodum

modum de eo fuisse solliciti, contenti nomine & coronâ Regiâ, quam à Parentibus acceperant. Quum ergone propriorum quidem Regum in regno Lotharingico à Colonienſibus coronatorum ulla exſtet memoria, dicere vel Imperatores qui ſolam tenebant Italiam, aut Gallia & Germaniæ Reges ab iis fuiſſe coronatos, foret ridiculum. Arnolphum igitur à Luitberto & Ludovicum ab Hattone Archiepiſcopo Moguntiniſ coronatos eſſe aſſerunt Onuphrius capite quinto de Comitibus & autor Mſci Chronici Moguntini. Mortuo Ludovico, quia ipſi filius non erat, *Omnis populus Francorum & Saxonum ait Witichindus libro primo, quarebat diadema regni imponere Ottoni. Ipſe* verò, quia iam gravior recuſabat onus imperij, *ſe tamen conſultu Conradus Dux Francorum unguitur in Regem.* Id ab Hattone Moguntino Aquigrani factum, teſtis eſt B Rhenanus rerum Germ. l. 2 p. 95. quum ait: *Sane Chunradus apud Aquigrani, quam primariam regni ſedem cit Alpes Carolus Magnus inſtituerat, unctus eſt & coronatus ab Archiepiſcopo Moguntienſi.* Franciſcus quoque Hartus in Annalibus Brabantiz p. 123. ex Continuatore Reginonis notat: *Fuit hic Hatto Archiepiſcopus Moguntinus, qui Conradum Regem Aquigrani consecrauit.*

29. Quum igitur manifeſto conſtet coronatum Ludovicum à quinctum Conradum, cur id autoribus fide dignis aſſerentibus à Moguntino factum non credamus? Ipſe quidem Petrus à Beck eò etiam inclinât. Quo enim argumento convincit autor ſcripti Colonienſis, falſum eſſe, quod Panvinius ait cap. 7. *Primò ut memoria exſtat, Arnolphus, eius filius Ludovicus IV. & Conradus I. Reges coronati ſunt & consecrati ab Archiepiſcopo Moguntino, à quo etiam Pipinus, deinde Ludovicus Pij filius Ludovicus, & Carolus II. Reges Germania vel Francorum Orientalium coronati fuerant. Hos autem Reges*

ideo

ideo hoc tempore à Moguntino Archiepiscopo coronatos fuisse crediderim, quod ipse totius Regni Germaniæ Metropolitanus esset, id-
 eoque à quibusdam horum temporum scriptoribus etiam summus
 vel maximus Pontifex appellatur, neque coronationem ipsam in a-
 lienâ diœcesi fieri tum consuetum erat. Nullo hæc Panvinia-
 na niti fundamento ait, nec tamen quicquam dicit, quo
 falsa esse ostendat. Quid verò sibi volunt illa Ditmari
 verba libro primo, quum de Henrico Rege, qui Conra-
 do successit, inquit, cum Episcopalis unctionem benedictio-
 nis ab Herigero Archiepiscopo exhibitam antecessorum more prio-
 rum, non desiderasse nec suscipere voluisse, sed prorsus ad hoc in-
 dignum se affirmasse. Colonienſis causæ, patronus, quum
 ait, noluisse Henricum regem coronari à Moguntino,
 ita illud narrat, cœu Rex eum non agnoverit competen-
 tem Coronatorem, & cœu Moguntinus se ingesserit,
 quum id ex humilitate factum esse omnium veterum te-
 stimonio, & ipsius Petri à Beck Chron. Aquigr. cap. 7.
 p. 108, constet. Constat igitur Henrici in Imperio an-
 tecessores unctos fuisse, & à Moguntinis Archiepiscopis
 fuisse unctos partim in ipso regno Germaniæ propriè di-
 cto, partim etiam Aquigrani, uti Conradum I, qui fortò
 primus fuit ex Regibus Germaniæ, qui postliminio A-
 quilgrani fuerunt coronati. Vtrumque negat autor Co-
 lonienſis responsi: vicit, si negasse sufficit. Et tamen
 non vereretur affirmare, manifestum esse, à Carolo
 Magno usque ad Ottonem Magnum Colonienſes Ar-
 chiepiscopos nunquam fuisse à Moguntinis in functione
 coronationis turbatos. Quomodo verò turbari potue-
 re in munere quopiam, quod nunquam exercuerunt.
 Quin Moguntini à Colonienſibus impediri non potue-
 runt, quum sat diu Colonia extra Germaniæ Regnum
 fuerit

fuerit censita, deinde huic adjecta, quo tempore Germaniæ Reges, quibus corona fuit imposita non fuisse coronati Aquisgrani, ut ne quidem ratio ulla inveniri queat, quare sibi coronationem Regum Germaniæ asserere potuerint.

30. Primus quod quidem constet, fuit Wigfridus Coloniensis Archiepiscopus, qui Hildeberto Moguntino Ottonem Magnum Aquisgrani anno 937. coronaturo controversiam movit, uter hoc munere fungeretur. Trevirensis quoque sedis suæ antiquitatem ab ipso Petro apostolo institutæ in medium adduxit, sed neque tum, neque etiam deinceps unquam quicquam impetrare potuit. Wigfridus, cur potiores essent ipsius partes, nihil habebat aliud, quam quod Aquisgranum in eius esset diœcesi sita. *Cessit tamen uterque Hildeberti cunctis nota almitati*, ita habet Witichindus, non sanctitati. Ne quis enim id eius tantum reverentiâ & intuitu probitatis factum esse putet, notandum omnino est, quod Trithemius in Chronico Hirsaugiensi contendit ut etiam inter se Archiepiscopis Coloniensi & Trevirensi, quæ Pontifices Romani per varias bullas Primatem Galliæ Belgicæ dixerant, *procerum tamen iudicio* Hildeberto delatū esse dicit, ut ipse coronationem perageret. Hoc Witichindus l. 2. hoc Ditmarus libro eodem, & omnes omnino autores rerum Germanicarum, tam antiqui, quam recentes tradunt, quorum testimonia adducere neque necessarium est, & nimis fuerit operosum. Quin addit Ditmarus, Ottonem tum etiam Conjugem suam Editham curasse consecrari. Nihilominus tamen non veretur scripti Coloniensis autor asserere Ottonem à Wigfrido coronatum esse, & ipso

& ipso permitteunte unâ ab Hildeberto. Quare vero? Quia Ditmarus ait, quod *eum licentiâ Wigfridi*, ita enim reddit, quod celsisse dixerat Witichindus, *in eius enim Diœcesi hoc erat*, coronaverit Ottonem Hildebertus; Sed si Hildebertus, quanquam permitteunte Wigfrido Ottonem coronavit, non utique id fecit Wigfridus, quem Gobelinus Persona in Cosmôdromio more suo illâ tantum vice id Moguntino concessisse nugatur. Quis enim sacrum celebravit? quis affatus est Ottonem? quis gladio eum accinxit? quis chlamyde induit? quis omnia peregit? utique Hildebertus, si Witichindo fides: *At is ab ipsis Pontificibus Hildeberto & Wigfrido oleo sancto perfusus, & diademate aureo coronatus dicitur.* Quid verò hoc refert. Nonne & hodie simul tres Electores Ecclesiastici coronam imponunt capiti Regis? Ideonè Coloniensis non dicitur coronare Aquisgrani? Quid est nodum in scirpo querere, si hoc non est? Quod poterat majus esse causæ non bonæ indicium. Sed pupugit Coloniensis causæ patronum, quod tam VVitikindus, quàm Ditmarus, rerum Germanicarum scriptores vetustissimi, ideo VVigfridum sibi coronationem postulasse scribunt, quod Aquisgranum in eius diœcesi esset. Putavit igitur VVigfridus extra diœcesin ipsi in coronandis Germaniæ Regibus jus nullum esse. Quod verò Hildebertus more majorum Ottonem consecrarit & coronarit, ea quidem verba sunt Onuphrij, Panvinij fateor, non VVitikindi ipsius, in cuius editionibus sive antiquioribus sive castigatissimâ Reineri Reineccij minimè reperias neque ipse Onuphrius ubi cap. VI. §. 8. integrum locum ex VVitichindo adscribit, illa verba intexit: Error igitur est, qui Onuphrius ansam præbuit, quum illis verbis utitur, sed in verbis tantum, nul-

lus in re ipsa. Præsto enim est Ditmarus de Henrico Primo scribens, ei ab Herigero Moguntino Archiepiscopo *unctionem more priorum Antecessorum fuisse exhibitam*. Is larga manu rependit, quod credebatur VVitikindus scripsisse. Neque enim illa verba *more priorum antecessorum*, in eum sensum detorqueri possunt, quo *more Majorum* accipienda esse putavit Colonienfis, nempe ritu majoribus usitato, sed de Antecessoribus Herigeri accipienda sunt, qui Reges Germaniæ antea quoque coronarant. Nihil tamen à veritate alienum VVitikindus dicturus erat, si Ottonem ab Hildeberto more majorum coronatum fuisse scripsisset.

31. Ottonem Secundum Ottonis Magni filium adhuc puerum à VVilhelmo Moguntino Archiepiscopo coronatum esse Aquisgrani, tradunt Onuphrius, Cyriacus Spangenbergius, in Chron. Mansfeldico aliique. Id à VVilligiso factum non ait autor scripti Moguntini, fingit Colonienfis. Sed hoc transeat cum cæteris eius erratis. Rogerus, verò Abbas Cœnobij de cruce Sancti Lanfredi in Britannia, qui vitam Brunonis Colonienfis Archiepiscopi fratris Ottonis Magni descripsit, quid tandem ait? Ita is verò capite quadragesimo. *Hunc Ottonem scilicet Secundum. Archiepiscopus patruo fratrique commendatum ad custodiam Regni Cisalpini reliquerat Imperator Otto Magnus profectus Romam, & res totius Italia ordinaturus, Caesar ipse futurus, electum summo consensu ab omni populo Regem esse constituit, unixeruntque Ottonem, a quo vocum Patris, Bruno Archiepiscopus, VVilhelmus & Henricus, cæterique Sacerdotes Domini Regem in Aquisgrani Palatio. Moris tunc erat, uti VVitikindus ait, ut unà ungerent, simul coronam imponerent Archiepiscopi; Jungit etiam* reli-

tellquos Sacerdotes, qui adstare solent Rogerus, rerum germanicarum non satis gnarus. Postremum adhuc hodie usu receptum est. Quid verò mirum, Patruum nomen Nepotis nomini præponi: Erat enim VVilhelmus Ottonis Magni filius, Bruno frater erat. Ideo verò primariam operam peregrisse, quia primo loco ponitur, unde constat? Tum etiam, ideone recte quis hinc colligat, omnes ohm Sacerdotes præsentibus consecrasse Romanorum Regem? Nimis hæc sunt lubricæ.

32. De Ottone Tertio Imperatore memorat Dittmarus Chron. libro tertio, *quod in die Natalis Domini à VVilligiso Moguntino Archiepiscopo & Ioanne Archiepiscopo Ravennate anno 983. coronatus fuerit in Regem.* Idem tradunt Baronius & alij, quanquam non desunt, qui Ioannis tantum Ravennatis meminerunt, uti etiam alij, inter quos Trithemius in Chron. Hirsaugiensi qui totam hanc functionem soli VVilligiso adscribunt, & jam olim autor vitæ Sancti Godehardi Episcopi Hildesheimensis qui illâ ætate vivebat; *Otto III. puer die Natalis Domini coronam regni à VVilligiso Metropolitano Moguntino suscepit honorifice.* Quanta verò semper fuerit Ravennatis Archiepiscopi in Italiâ autoritas, ut is præcipuè meruerit VVilligisi in coronatione esse adiutor, norunt, quibus historia Ecclesiastica non omnino ignota est. Pressus auctoritate testium Patronus causæ Colonienfis, ne nihil agere videatur, fingit, VVilligisum tantum adstitisse Ravennati: Cum Rogerus Patruum præponeret Nepoti protinus coniciebat, ideo primarias in coronatione Ottonis, Brunonis fuisse partes: Nunc verò, ubi VVilligiso Ravennatem jungi ab aliquibus videt, dolens forte eum Colonienfi prælatum, fingit & Dittmarum

complicem facit, *VWilligisum tantum adfuisse*. Hoc verò non est, eorum qui historia tractant, & serio in re tanti momenti inquirunt, quid olim actum sit.

33. Eadem licentiâ utitur, ut Henrici Secundi Imperatoris coronationem Moguntinis Archiepiscopis eripiat. De ea autor vitæ Meinweri Episcopi Paterbornensis Henrico Secundo familia illi, ita ait: *Henricus Secundus redditis regalibus à Sancto Heriberto Coloniensi Archiepiscopo, qui ideo electioni non interfuit, quoniam in humando corpore defuncti Principis occupatus fuit, Moguntia Dominica octava Pentecostes à VWilligiso eiusdem civitatis Archiepiscopo ordinatur*. Idem ait Dirmarus, tum superstes, libro quinto Chron. & Herebertum haud gravatè reddidisse Imperij insignia affirmat. Ait enim: *Henricus Secundus à VWilligiso Moguntia Sedis Archiepiscopo, suffraganeorumque suimet auxilio, adeptâ regali unctione, cunctis prasentibus Deum collaudantibus coronatur. Francorum & Moselenensium primatus Regi manus tum applicans gratiam eiusdem meruit*. Corrupta esse hæc posteriora verba, ex quibus sensum nulum elicias, nemo non videt. Quum verò ex superius adductâ Pontificis ad Willigisum bullâ ei primas inter omnes Ecclesiasticos in Galliâ & Germaniâ partes delatas atque confirmatas esse constet, facilis erit sensus huius corruptæ periodi, si aliquot tantum literis immutatis dixerimus: *Francorum & Moselenensium*, id est, ad Mosellam habitantium, sive Mosellanorum *Primatum* Regi manus tunc applicans, gratia eiusdem meruit. Fortassis enim etiam Henricus ratum habuit, & novâ sanctione validius esse voluit, quod Benedictus VII. Pontifex autoritate Apostolicâ, confirmarat VWilligiso, primum locum in Germaniâ jam ex veteri more tum obtinenti.

Idem

34. Idem autor vitæ Meinwerci & Gobelini Personæ in Cosmodromio de Cunigunde Reginâ memorant, *Eam eodem anno novo rege nativitatem Laurentij in Civitate Paterbrunnensi celebrante à prædicto Villigiso inibi regia consecrationis dominum adinvenisse.* Quod ideo notari velim, ne quis existimet, Henricum ideo fuisse coronatum à Willigiso, quod id Moguntiz contigerit. Sed absens erat Herebertus. Quare verò non venit Moguntiam? Suspectus fuit Henrico Imperatori ceu alteri potius favisset, & ideo, cum eum vocasset, ut subsidium mitteret castrum Hammerstein oppugnaturum, is vero moras neciteret, iratus Imperator, properat cum exercitu versus Coloniam, ulturus injuriam, sed divinitus monitus, ne quid detrimenti inferret Hereberto, ei non reconciliatur tantum, sed veniam etiam supplex petit, testibus Ruperto Tuiensi, qui vitam Hereberti descripsit, & autore vitæ Meinwerci. Iterum verò ab Hereberto coronatum Imperator, nemo eorum memorat: Adelboldum id dicere lego in scripto Coloniensi, & eo se plurimum jactat autor replicæ Coloniensis. Quæ verò sit vita illa Sancti Hermanni, ex quâ hæc afferuntur & quod Adelboldus quidam scripserit vitam Sancti Hermanni, nusquam invenio. Scripsit quidem Adelboldus Antistes Ultrajectinus vitam Herici Secundi Imperatoris, ut ajunt, atque ea primum fuit à Canisio, & deinde à Gretsero in diviis Bambergensibus edita. Sed in primâ quidem Canisianâ editione nihil horum legitur: Tum etiam non esse eam Adelboldi, sed hominis longe recentioris observant, qui erant harum rerum peritissimi P. Gretserus & Vossius de historicis latinis libro secundo capite quadagesimo secundo. In alterâ verò auctiore editione Gretserianâ, quæ
deinde

deinde novæ editioni vitæ Sanctorum Suri, Colon.
 anno 1618. editæ inserta fuit, perinde nihil tale legitur,
 ut opus minimè fuerit bis repetisse, quod Henricus
 Secundus Imperator iterum ab Hereberto coronatus fue-
 rit. Quin in eâ disertè dicitur Henricus Secundus Mo-
 guntiz s. Idus Iunij, in Regem electus, acclamatus, be-
 nedictus & coronatus à Willegiso: Quod verò post ite-
 rum Aquisgrani præsentibus Leodiensi, Cameracensi
 Episcopis, ac Colonienſi Archiepiscopo, *cæteris cum Lo-
 thariensibus convenientibus in Nativitate post partum virginis ele-
 ctus, collaudatus, in Regiam sedem sublatuſ & glorificatuſ dicitur,*
 id sanè huc quidem minimè pertinet, neque ulla ra-
 tione in eam sententiam accipi potest; Ne verbum hic
 exstat de iteratâ coronatione Aquisgrani à Colonienſi
 factâ, neque alio illa spectant, quam quod procures ex
 regno Lotharingico, Henricum Secundum Moguntiz
 coronatum, & Aquisgranum regni Lotharingici urbem
 venientem Regem quoque suum recognoverint, accla-
 maverint, & more veteri in sede Caroli Magni, quæ uti-
 que Moguntiz non erat, collocaverint; En igitur ite-
 rum egregium specimen fidei, quâ scripti Colonienſis
 autor versatus est in antiquorum scriptorum testimoniis
 adducendis. Conradum Salicum ab Aribone Mogun-
 tino Archiepiscopo coronatum esse Moguntiz, dubium
 non est; Omnes enim id tradunt scriptores, & VVippo
 in primis, qui eius vitam scripsit. Consistente au-
 tem primum Piligrino Colonienſe Archiepiscopo fun-
 ctum esse Aribonem munere suo, VVippo non dicit, fin-
 git qui Colonienſe responſum collegit. Offensum ab
 eo fuisse Conradum memorat, ait tamen impetrasse
 tandem ab Imperatore ut Conjugem eius Gieselam Re-
 ginam

ginam in Ecclesiâ Colonienſi consecraret; Aribonem verò non tantum coronasse ait V Vip̃po Imperatorem, sed hoc etiam narrat, quum de deligendo Regeſeſſet, *Moguntini ſententiam ante alios fuiſſe accipiendam.*

35. Succedit Parenti Henricus Tertius filius, de quo V Vip̃po ait: *Anno 1028. Imperator Conradus filium ſuum Henricum atat. XI. annorum à Pelegrino Archiepiſcopo Colonienſi in Regalem apicem apud Aquisgranum ſublimari fecit. Tunc in principali Dominicâ Paſcha consecratus & coronatus paſchalem letitiam triphcauit.* Ita quoque Hermannus Contractus, Cranzius, alique. Fugit hæc prima coronatio, de qua quidem conſtet, à Colonienſi Archiepiſcopo Aquisgrani peracta ipſum autorem ſcripti Colonienſis. Ut verò omnes videant, quam maiori longe eandore Moguntini ſint cum Colonienſibus acturi, ideo hanc consecrationem, veterum ſcriptorum testimoniis confirmatam ipſimet nunc producunt in lucem, quo ex hoc exemplo de reliquorum in hoc ſcripto adductorum testimoniorum veritate & certitudine fieri poſſit iudicium. Idem tamen Imperator Henricus III. Conjugem ſuam Agnetem, Wilhelmi Pictavienſis filiam, ap. Moguntiam Reginam inungi fecit, & regales nuptias ap. Ingelheim celebrauit. Ita Hermannus Contractus in Chron. edito à Caniſio Tom. I. antiq. Lectionum. Neq; diſſentiunt Uſpergenſis, Baronius, & alij. Factum id verò à Bardone, qui tum Moguntinæ ſedi præerat. An verò id ideo forte factum ſit, ut Imperator utrumq; Archiepiſcopum ſibi amicū retineret, æquus lector iudicet. Pari enim ratione Conradus Imperator Henrici Tertij parens eidem Colonienſi Archiepiſcopo indulſerat, ut eius conjugem Giſelam coronaret Aquisgrani, quod Conradum antea Moguntinæ confe-

erasset Aribio Archiepiscopus Moguntinus. Fortassis etiam absens fuit Aribio circa hoc tempus, uti ex iis colligi potest, quæ Serarius in Chronico Moguntino de Aribone recitat. In Italiam enim profectus, ibi quoque obiit. Hic Imperator Henricus Tertius primus est, qui ab ullo fide digno historico à Colonienſi Archiepiscopo coronatus fuisse memoretur. Vniuersus est Chronici Belgici compilator, qui Ludovicum pium ab Hildeboldo consecratum fuisse aſſerat. Id verò falſum eſſe, ex iis ſcriptoribus qui tum vixere conſtat. Cœperant quidem Colonienſes Archiepiscopi iuris diœceſani autoritate laceſſere Moguntinum, ſed nihil haſtenus obtinuerant, niſi quis forte conſicere velit, ideo Henricum Secundum & Conradum Imperatores coronatos Moguntia, quod Colonienſes Archiepiscopi in ſua diœceſi refragaturi fuiſſe viderentur. Vel ex his autem exemplis colligi poteſt, quomodo Colonienſes ſemper ad ſuam tantum diœceſin reſpexerit. Neque enim, ut ipſi coronarent Moguntia, poſtularunt unquam; Moguntini autem etiam coronationem eam, quæ Aquisgrani fieret, ad ſe pertinere iudicabant.

36. Deinceps verò ex voto ipſis omnia ceſſere, ſeris autoritate Imp̃p. qui eis favebant pluſculum. Henricus enim Quartus Imperator primus eſt, cuius autoritati & gratia hoc dedit Moguntinus Archiepiscopus, (quomodo enim factum ſit, ut Henricus Tertius Aquisgrani à Piligrino Colonienſi Archiepiscopo coronaretur, & an Moguntinus Archiepiscopus tum adfuerit, non ſatis conſtat,) & Colonienſi indulſit, ut eiliceret Aquisgrani in ſuâmet diœceſi ornare diademate Regem Romanorum. Rem totam narrat Lambertus Schaſnaburgenſis. Hirsfeldenſis Monachus, qui tum vivebat. Suſpectum eum habet

Colo.

Coloniensis, & Meccœnati suo plus justo tribuisse ait. Nihil eum autem dixisse à veritate alienum, facile judicabit æquus lector, si expenderit quæ ante fuere dicta, & considerata, Parentem huius Henrici Quarti Henricum Tertium Imperatorem primum fuisse, qui fuerit à Coloniensi Archiepiscopo, gratiâ & autoritate Imperatoris adjuto, coronatus. Ita verò narrat Lambertus anno 1054. *Imperatoris filius Henricus consecratus est in Regem Aquisgrani ab Hermanno Coloniensi Archiepiscopo, vix & agere super hoc imperato consensu Luitpoldi Archiepiscopi, ad quem propter primatum Moguntina sedis consecratio Regis & cetera negotiorum regni dispositio potissimum pertinebat. Sed Imperator potius Hermanno Archiepiscopo hoc privilegium vendicabat, propter claritatem generis eius, & quia intra diœcesin ipsius hæc consecratio celebranda contigisset.* Viuebat eo tempore Lambertus, & multa non narrata ab aliis memorat, sui tantum temporis res gestas diligenter persecutus. Quid verò demum dixit, quare videri possit assentatus fuisse Moguntino. Nunquid enim non coronaverant hætenus Imperatores Archiepiscopi Moguntini? Nunquid Colonienses non etiam jam ante diœceseos jura obtenderant? Tum verò, quæ alia causa fuit, quod Moguntinorum Archiepiscoporum in Imperij negotiis summa semper fuit, & est hodiernum, autoritas, nisi quod Moguntina prima esset in Regno Germaniæ Sedes? Quid igitur novi dixit Lambertus? Colonienses autem quo alio prætextu vindicare sibi potuerunt coronationem Regum Romanorum, aut quid aliud denique obtendere potuerunt, quam jus illud diœceseos? Luitpoldus verò princeps erat magnanimus, veterum consuetudinum, juriūque non callens tantum sed etiam retinentissimus. Quod igitur cessit Hermanno,

rogatu tantum Imperatoris factum est. Sed cedere fuit coactus Lupoldus, quod Colonienses Archiepiscopi veteri bullarum Pontificiarum & diplomatum Imperialium auctoritate muniti essent, atque ipse Leo I X, qui tamen, ut ex Baronio & Lamberto constat, iam ante diem obierat, pro Coloniensi sententiam tulisset. Quæ sunt illæ bullæ, quæ diplomata? Nullam video bullam, sanctionem nullam Cæsaream adductam in scripto Coloniensi. Illa enim Innocentij Tertij & Friderici Primi, initio expensa, ad hæc tempora nihil faciunt.

37. Equidem tam apertum est ex huius ævi monumentis jus Moguntinorum Archiepiscoporum, quo hactenus in consecrando Rege usi fuerant, ut Onuphrius Panvinius, homo exterus, monasticen professus, nec parti ulli addictus, historiarum autem apprime gnarus, quod ex lectione autorum illius ævi observarat, id capite inprimis septimo libri sui de Comitibus aperte tradiderit atque ostenderit, usque ad Henricum Tertium Imperatores omnes & Reges Germaniæ, de quorum quidem coronatione constat, à Moguntinis Archiepiscopis fuisse coronatos, à quibus demum hoc munus ad Colonienses Archiepiscopos Henrico Quarto imperante translatum fuerit, quod locus inaugurationis solennis in eorum diocesi foret situs. Nec solus ita sensit Panvinius: Sed etiam eadem est sententia Caroli Sigonij *libro septimo de regno Italia*, Francisci Modij, *Tomo Primo libro quarto Pandectarum Triumphalium*: Bzovij *in Ann. an. 1328*. Azorij *Inst. moral. p. 2. lib. 10. cap. 5*. Cifneri *in Orat. de Ottone 111. Imp.* Joan. Limnæi *Tomo primo de jure publico lib. 2. cap. 4*. Joan. Georgij Herwarti Maximiliano Bavarie Electori à Consiliis secretioribus, in Ludovico I V. Imperatore defenso, & jussu Bavarie

variæ Ducis edito, lib. 1. cap. 6. §. 12. Benedicti Carpzovij Juri, & arcani Consiliarij Electoris Saxonix de lege Reg. Germ. cap. xi. sect. 10. §. 19. & seqq. Buxtorfij ad cap. iv. Aureæ Bullæ, Arumæi Disc. 3. th. 17. ad A. B. Cancellarij Schüzij Coll. publ. Disp. 2. §. 20. & aliorum.

38. Adscribo sententiam Augusti Vischeri, Consiliarij Trevirensis, qui libello de electione Regis & Imperatorum Romanorum Parisiis edito conclus. 31. transcriptis maximam partem ex Buxtorfio verbis, ita loquitur: *Olim hoc coronationis seu inaugurationis jus Moguntino competiisse anteriora pervolventibus tempora & historiarum studiosis non semel occurret. Sic cum Otto Henrici Primi filius Aquigrani coronandus esset, & de consecrando Rege questio orta esset Pontificum Trevirensis & Coloniensis, recitat verba Witkindi, cessit tamen uterque Hildeberto Archiepiscopo Moguntino. Ad datur Otto Frising. libro sexto capite decimo nono, Gotifridus Viterbiensis in Chronico, p. 12. in Otton. 1. Et idem postea fuit observatum in coronatione Ottonis Secundi, qui à VVilhelmo: Onuphrius Panvinius lib. 3. Roman. Princip. in principio in Ottone Secundo, Cyriacus Spangenbergius in Chronic. Mansf. cap. 140. Ottonis Tertiij qui à VVilligiso, Trithem. in Chron. anno 98. aliter Lambert. Schifanab. anno 948. Henrici Secundi qui ab eodem, Casspianus in eius vitâ, Siebert. Gembl. in Chron. anno 1002. Sigon. libro octavo de regno Italia. Conradi Secundi qui ab Aribone, Avent. lib. 5. Annal Herman. Contr. in Chron. 15h. Naucleus Gen. 35. omnibus Archiepiscopis Moguntinis coronati fuerunt. Et ita successivè ad Conradum usque secundum ad primatum Sedis Moguntina consecratio Regis pertinuerat. Postmodum Henricus Tertius per Pelegrinum Coloniensem Archiepiscopum coronatus est, & filium Henricum Quartum per Hermannum coronari fecit, tam ut testatur Lambertus Schafnaburgensis, quia maior generis claritas Hermannum Coloniensem, quam Lupoldum Moguntinensem*

commendabas, ille enim Palatinus Rhemi cognomento nobilis erat, hic ex Monacho Fuldensi ad Archiepiscopatum fuerat evectus. Tum quia consecratio Aquisgrani intra ipsius diocesin celebranda contigisset. Quæ ratio posterior tam efficax futuris temporibus visa fuit, ut ius coronationis, teste Cysnero, penes Coloniensem incommutabiliter permanferis. Hactenus Vischerus. Quin cum superioris seculi anno xciv Henrici Galliarum Regis inauguratio celebranda esset Autrici Carnutum, & mota quæstione de loco, decretum esset, nihil causæ esse, cur minus solennis inauguratio dici deberet, etsi minimè Durocortori Rhemorum facta esset; nam exemplis constare, id in Imperatorum & Regum coronationibus semper varasse, non Pipinum tantum à Moguntino Archiepiscopo fuisse inunctum, sed etiam complures ex reliquis Imperatoribus Moguntiz & à Moguntinis Archiepiscopis fuisse consecratos allatum fuit, addita ratione, quod Moguntinus Archiepiscopus Germaniæ primas sit, & supremi ac maximi Pontificis titulos sibi vindicet, uti hæc omnia narrat Thuanus Histor. lib. 109. Quum igitur & veteres & recentes scriptores in antiquo jure Moguntinorum Archiepiscoporum asserendo consentiant, quid opus est in re tam manifesta se præbere difficilem? Habent, ad quem initium sui juris referant Colonienfes, Henricum Quartum Imperatorem & Hermannum Archiepiscopum. Cessit tum Luitpoldus Moguntinus, & postquam semel cesserat, impedimento fuit suis deinceps successoribus, ne præfente Colonienfi Archiepiscopo ad coronationem Aquisgrani peragendam iterum possent adspirare. Addo, postquam semel Moguntinus Archiepiscopus id honoris diocesi detulerat, institerunt Colonienfes juri suo tum acquisito. Abiit igitur in consuetudinem, ut solennis Regum Romanorum inauguratio non alibi fieret, quam Aquisgrani, neque ab alio, quam

Coloniensi Archiepiscopo : Vsum suorum prædecessorum & Patrum vocat Fridericus Primus ap. Radevicum lib. 1. cap. 16.

39. Consuetudo illa deinde abiit in legem, consensu statuum Imperij & Caroli Quarti Imp. autoritate sanctam. Suscepit autem Imperij coronam Carolus IV. anno 1347 Henricus vero IV. eam Aquisgrania acceperat anno 1054. Eorum igitur Impp. coronationes, qui illis trecentis annis regnarunt, retexere opus non est. Neque enim quisquam negat, omnes propemodum ab Archiepiscopis Coloniensibus fuisse coronatos. At verò omnes etiam in diocesi Coloniensi inaugurati fuero, & Aquisgrani. Vnus Rudolphus Suevix Dux (Philippus enim Suevus Moguntix à Tarantasiensi Episcopo, cum Conradus Archiepiscopus peregre abesset in Oriente, anno 1198. fuit coronatus) coronâ redimitus fuit Moguntix anno 1077. à Moguntino Archiepiscopo Sigefrido : Is vero jam triennio ante, quia propter Primatum Moguntina Sedis, ut Lambertus ait, eligendi & consecrandi Regis autoritas ei deferrebat, Principes de regno toto Moguntiam evocaverat, ut communi consilio Rudolphum Ducem Regem constitueret. Eo tempore adhuc vivebat Anno Coloniensis Archiepiscopus, & consilia cum Moguntino junxerat. Recens autem adhuc jus erat, quod Colonienses Archiepiscopi sibi cessione Luitpoldi acquisiverant. Quare ap. Sigon lib. 1x. de regno Italix, cum Henricus Quartus se imperio abdicare, insigniis regalibus exuere, & filio Henrico Quinto regnum cedere nollet, ita fertur Moguntinus Archiepiscopus locutus : *Quid dubitamus ô Socij, nonne officij nostri est, Regem consecrare, & consecratum induere? Cur igitur, quem immerito induimus, non merito exuamus?* Hermannii Regis ab eodem Sigefrido anno 1082. Goslarix consecrati exemplum nunc non urgeo, quia

quia neque satis notum est, & in schismate peractum. Ita vero ait Bruno autor antiquus libro de bello Saxonico ad Wernerum Merseburgensem Episcopum scripto & à Friderico Tom. 1. edito: Principes Saxoniz valde lætati Regem suum Herimannum cum magno tripudio Goslariz susceperunt paucis diebus ante natalem Domini. In natali vero S. Stephani Protomartyris à Sigfrido Moguntinæ Sedis Archiepiscopo in regem venerabiliter estunctus. Id satis ex hoc exemplo constat, quid sui juris esse existimaverint Moguntini Archiepiscopi, quique ab eorum stabant parte Principes Germaniz, Trevirensis enim nunquam id sibi sumsit. Sed prævalere deinde Colonienfes Archiepiscopi. Quare etiam Otto Frising. l. 7. cap. 2. memorat Conradum II. à Theodoino Cardinale fuisse Aquilgrani consecratum, quod Colonienfis, qui id facere jure debuisset, pallio careret. Quanquam id etiam ex eodem Ottone Frising. l. 7. cap. 22. & Dodechino continuatore Mariani Scoti ad annum 1138. constat, tum quidem Moguntinam Sedem orbatam fuisse suo Archiepiscopo. Quod si autor Moguntinæ dissertationis lapsus fuit memoriâ, aut vero erravit Typographus, quum hunc Conradum III. Carolum III. appellavit, erravit quoq; Colonienfis, quum eundem vocat Conradum Salicum: Is enim Imp. Conradus secundus est.

40. Quod si etiam Guntherus Ligutinus, qui Radevicum versibus expressit, ex veteri jure coronatum Fridericum ab Arnolfo Colonienfi scribit, ait etiâ idem ex veteri jure id Aquilgrani fieri debuisse. Augustus vero Fischerus Jctus aliq; ad ea verba Ligurini de Colonia loquentis.

Quippe hunc veteris sibi juris honorem

Vindicat ille locus,

rectè observant, vindicare sibi à tempore Henrici III. Nam Imperatores insequentes hunc honorem Colonienfi reliquisse, &

ita pau-

ita paulatim longa & usque ad auream bullam continuat à consuetudine ius coronandi Reges Romanorum Electoribus Colonienfibus fuisse acquisitum. Et quare non veteri iure ad Colonienfes id spectare dicat. Iam enim centum anni effluerant ab Henrici Quarti coronatione. Maiori igitur adhuc iure eadem pene verba vsurpare poterat Matthæus Parisiensis S. Albani in Anglia Monachus, cum Richardus Cornubiæ Comes cum Sancia Regina anno 1257. altero inde seculo Aquisgrani coronati essent, & dicere, hoc ius coronandi Reges ap. Aquisgranum ab antiqua & probata consuetudine ad Archiepiscopos Colonienfes spectare. Addit tamen, *apud Aquisgranum*; Quamquam etiam rerum Germanicarum non satis fuit peritus. Quis enim vnquam inter omnes Magnates Alemanniæ supereminentem esse Archiepiscopum Coloniensem, qui seum Sacri Imperij Prothocancellarium vocauit, quod fecit Matthæus Paris, hist. p. 1256. edit. Lond. Fuerat autem Conradus Colonienfis Archiepiscopus ipsemet profectus in Angliam, & hortatus fuerat Richardum, veniret in Germaniam, & regnum capefferet: Venit & vidit, non vicit; Cum profudisset immensos thesauros, emundus argento liber à curis redijt in Angliam. Fuere tamen interea temporis, de quibus indubitato constat, duo potentissimi Imp. coronati Aquisgrani à Moguntinis Archiepiscopis, Fridericus quidem II. anno 1215. à Sigfrido Moguntino Archiepiscopo, & Ludouicus Quartus Bavarix Dux à Petro Archiepiscopo. Erat tum quidem Sigfridus Archiepiscopus Legatus Innocentij Tertij, nec tamen idè interre licet, cum ceu Legatum Apostolicum coronasse, præsertim quum de Colonienfi Ecclesiâ duo disceptarent, Theodoricus & Adolphus. Ideo Cæsarius in vita Engelberti lib. 1. cap. 3. ait: *Pontifex ad promotionem*

nem Friderici, Sigfrido Moguntinensi Archiepiscopo plenariam potestatem legationis contulit, qui heodoricum Archiepiscopum deponens, eo quod fautor Ottonis esset, Adolphum restituit, neuter tamen illorum Episcopatum recuperare valuit. Is Pontifex erat Innocentius Tertius quem antea vidimus adeo pugnassee pro Ottone IV. quod is coronatus esset ab Adolpho Colonienfi, nunc autem, permittente illo aut iubente, cernimus coronari Aquisgrani à Moguntino Fridericum Secundum. Illustrius est exemplum Ludouici Bauari, quem Moguntinus Aquisgrani coronauit, quum Fridericus Bonnæ à Colonienfi coronam suscepisset. Quamquam autem suscepit coronam ab eo, à quo coronari Reges eo tempore non consueuerant, non tamen ideo eam irritam dixit Ioannes XXII. Pontifex, quantumuis Ludouico esset intensissimus, nihilque omitteret, quo ei ægrè faceret: Abrahamus quidem Bzouius id Ludouico obiicit, respondet verò Georgius Herwartus: Colonienfis hodie id officium fungitur, quod & consecratio & coronatio in suis finibus fiat. Primò certè ad Moguntinum tanquam Germania Metropolitanum & Regni Cancellarium delatum erat. Christophori Broweri narrata in Annalibus Treuirensibus, qui nondum omnium manibus teri possunt, Augustam Treuiorum Electoris iussu perlatis, Moguntinum Archiepiscopum adeo non feriunt, vt porius confirment. Refragante enim Treuirensi Archiepiscopo, ceu Aquisgranum ad Cancellariatum Gallicum spectaret vt nonnulli volunt (vnde ortum, vt quidam scriptores Ludouicum à Treuirensi coronatum putent) Ludouicus tamen Imp. pro Moguntinò sententiam tulit. Quod si, vti conuenisse inter eos ait ex Browero Colonienfis causæ patronus, non confirmavit Moguntinus Archiepiscopus ius suum tabulis antiquis intra statutum tempus,

tempus, quis nouit, quid deinde interuenerit? Satis est pro ipso Imperatorem ipsum decidisse.

41. Hos igitur Imperatores à Moguntino interea temporis coronatos fuisse nullum est dubium. Incertum uero est, à quo Henricus Hassiæ Landgrauius amoto Fridrico Secundo Imp. electus, coronatus fuerit. Trithemius quidem in chron. Hirsaug. ait, eum non peruenisse ad Imperialem coronam, quia tamen in marmore sepulchrali Sigfridi Tertij duo comparent, quorum capiti coronam imponit, ij quidem non fuerint alij, quam hic Henricus Hassiæ Landgrauius, & Wilhelmus Hollandiæ Comes: Et si uerò ille coronatus fuit Aquisgrani, & operam primariam peregit Colonienſis Archiepiſcopus more solito, Moguntinus tamen eius dextram inunxit, coronam uerò de cōſenſu Colonienſis ei impoſuit Bohemiæ Rex, uti tradunt Ioh. à Beka, Ioh. à Leidis, chron. Belg. lib. 23. cap. 9, Reinerus Snous rerum Batauicarum lib. 7. & Trithemius in chron. Hirsaugenſi, cuius narratio uisa est multis uiris eruditis non ſatis eſſe certa, quod ignorarent, ex quo autore antiquiore eam deſumpſiſſet. Quum uerò in Petri Archiepiſcopi Moguntini ſaxo ſepulchrali hodiernum quoque legamus,

Hic pius & largus in conſilijs fuit Argus,

ſceptra dat Henrico regni, poſt hac Ludouico,

Fert pius extremo Iohanni regna Bohemo.

tum etiam in eodem lapide tres uideamus eſſe quibus Archiepiſcopus coronas imponit, obſeruato tamen manifeſto inter regiam & Imperialem coronam diſcrimine, Ludouicum autem & Iohannem Bohemiæ Regem ab eius manu conſtet ſuſcepſiſſe coronam, quis ſit ille Henricus inueſtigandum fuerit. Is uero Henricus Luzelburgicus Comes, deinde VII. dictus, fuerit neceſſe eſt. Quan-

quam autem cum Conradus Vecerius non ipsius, ut vult auctor Colonienſis Reſponſi, ſed longo poſt tempore Maximiliani I. Secretarius edito peculiari de eius vitâ libro à Colonienſi coronatum fuiſſe ait, haud tamen multum aberrauerit, qui coniecerit, præſtituiſſe Moguntinum Archiepiſcopum in eius coronatione operam aliquam egregiam ut iungi reliquis duobus potuerit, quos Petrus ſolus coronâ redimiuerat. Hæc eſt ſeries Imperatorum à Colonienſibus Archiepiſcopis coronatorum, interrupta tamen interdum à Moguntinis, cum extra diœceſin Colonienſem, tum etiam in ipſa diœceſi. De Imperatoribus ab ætate Caroli Quarti uſque ad Maximilianum Secundum coronatis, non eſt quod ſolliciti ſimus. Fuere enim omnes, uti ſanxerat Imp. Carolus Quartus, Aquisgrani & à Colonienſibus Archiepiſcopis coronati.

42. Is verò conſuetudinem, quæ hætenus in Imperio recepta fuerat, ut Reges Romanorum Francofurti electi deducerentur Aquisgranum, atque in eâ urbe ſolenni ritu inaugurarentur à Colonienſibus Archiepiſcopis, primus lege ſanxit. Antea enim ceſſione Moguntini & uſu tantum prædeceſſorum, ut ait Fridericus I. id obtinuerant, eoque uſu, & conſuetudine ſibi acquiſuerant uſu aliquod, quo iſs poſſimum Aquisgrani Reges conſecrare liceret, non bullis Pontificum, aut diplomatibus Imperatorum, certè nihil eiufmodi hætenus fuit productum.

43. Quartum igitur & poſſimum totius negotij fundamentum, collocatur ab autore Colonienſis reſponſi in ſanctione publicâ Aureæ bullæ, quâ Colonienſi Archiepiſcopo cautum ſit, ſine vlla prorsus reſtrictione aut exceptione, *quod ei competat officium & dignitas Romanorum Regi primum diadema Regium imponendi.* Quanquam autem omnia quæcunque in aureâ bullâ continentur, vim legis pragmat-

pragmaticæ & perpetuo valituræ obtineant, habent se illa tamen diuersimodè; Alia enim, tum recens autoritate Imperatoris & communi statuum Imperij consensu fuere constituta, alia autem, quæ longa consuetudine & diuturno vsu in Imperio fuerant introducta, nec tamen communi adhuc omnium consensu fuerant confirmata, hæc publicâ lege fuere in rectiorem redacta ordinem & stabilita. Edidit Odoricus Rinaldus tomo XIV. suorum Annalium longam narrationem disceptationis iurium vtriusque Regis Romanorum designati, Alfonsi Castiliæ Regis, & Richardi Cornubiæ Comitis, quæ eorum Oratores Urbani Quarti Pontifici proposuerant, vt is ij expensis sententiam ferret, vtrius causa potior esset. In eâ disceptatione enarratur, quid eo tempore moris fuerit in Imperio, quæque consuetudines obtinuerint in electione & coronatione Regum Romanorum. Eas magnam partem confirmatas esse in aureâ bullâ perspiciet, qui eas conferre voluerit: In ipsâ aureâ bullâ legimus frequenter eiusmodi: *iuxta antiquam & laudabilem consuetudinem; De antiquâ approbatâ & laudabili consuetudine: sicut potestatem habuisse dignoscitur ab antiquo, sicut inuenimus hætenus competisse; sicut id consuetudine introductum dicitur, & similia.* Vt prima coronatio Aquisgrani celebretur, id dicitur *inuentum fuisse ex clarissimis relatibus, & traditionibus antiquorum à tempore cuius contrarij iam non habeatur memoria, per eos qui præcesserit iugiter esse obseruatum.* Eiusmodi igitur, quæ ab antiqua dicuntur promanasse consuetudine, vt in posterum quoque obseruentur, sancitur disertis verbis præcipiendi vim habentibus. Quæ verò in aurea bulla de iure coronandi ad Coloniensem Archiepiscopum spectare legimus, ea ad neutram classem referri possunt: Sunt enim tantû narratiua & attestatiua iuris, quod Co-

lonienses Archiepiscopi ex diuturno usu sibi acquisierant, tum eo loco recensita, quo sermo alias de coronatione non erat. Primo enim de ordine sedendi inter Electores statuitur: Tum Moguntino, ut conuocet Electores, si vacet Imperium, quod hactenus fuerat obseruatum, eosque sententiam roget, confirmatur: Treuerensi, ut primus eam dicat. Vbi ad Coloniensem ventum est, additur, *cui competit officium & dignitas primum diadema regium imponendi*. Et si igitur hac attestatione Imperatoris confirmatum fuit Colonienfibus Archiepiscopis ius illud, quo hactenus vsi fuerant, nihil ea tamen præterea acquisierunt, quam ante habuerant. Quum vero id restrictum fuerit ad urbem Aquisgranum, aut verò ad eorum tantum diocesim, & eo etiam intuitu à Moguntinis ad eos translatum, nihil vtrique ex aureâ bullâ afferri potest, quo ijs hoc ius latius dilucidiusque fuisse declaratum probari possit.

44. Quod autem Carolus Quartus adeo paucis verbis, & veluti obiter huius muneris meminit, causâ certè non alia fuerit, quam quòd nulla diu fuerat inter Moguntinum & Coloniensem Electores contentio, vtrius esset coronare Aquisgrani Reges Romanorum. Iam enim trecenti anni abierant, quod Moguntinus cesserat Colonienfem in sua diocesi, nec antiquo suo iure vsus fuerat, nisi quum Colonienfes ei viderentur deesse officij suo. Quum vero aurea bulla, hac in primis fini promulgata fuerit inter Electores, ut in posterum diuisiones & dissensiones tollerentur, non erat admodum opus, huius rei meminisse, de quâ tum erat nulla controuersia. Ab eo enim tempore cuius contrarij non habetur memoria, obseruatum fuerat, ut Aquisgrani solennis inauguratio institueretur, cumque morem confirmabat Imperator: Quanquam au-

tem

tem addit Imperator, *nisi legitimum impedimentum obuia-*
nerit, ea tamen semper fuit olim obseruantia erga veteres
 eiusmodi consuetudines, vt à Carolo Quarto vsque ad
 Maximilianum Secundum per ducentos propemodum
 annos, Imp. omnes Aquisgrani, aut si per magnum ali-
 quod impedimentum id fieri non posset, saltem in diocœ-
 si Colonienſi coronati fuerint, quemadmodum Carolus
 Quartus ipſemet & Rupertus Coloniae & Bonnæ fuerunt
 consecrati. Facile igitur crediderim, Colonienſes Ele-
 ctors haud ita promptè fuiſſe conſenſuros, vt Maximilia-
 nus Secundus & cæteri deinceps Imp. extra diocœſin
 coronarentur, si sacris fuiſſent initiati atque ideo malue-
 runt fortassis coronari Imperatores extra diocœſin eorum
 ne si Aquisgrani fuiſſet inſtituta coronatio, id deinceps
 iuri eorum coronandi in illa vrbe Cæſares à tot annis ac-
 quiſito obſeſſet. Hartmannus Maurus, Archiepiſcopi
 Colonienſis Conſiliarius in deſcriptione inaugurationis
 Caroli V. memorat, quum incertum eſſet, iturus ne eſſet
 Aquisgranum Imp. an vero aliò metu graſſantis in eâ vr-
 be peſtis, proſecturus, oratum fuiſſe à Legatis Archiepi-
 ſcopi Colonienſis, ne quam eo inſcio haberet in loci com-
 mutatione rationem iuris, atque eximix prærogatiuæ de
 non commutando neque nonando quicquam ex his, quæ
 ad coronationem & locum eius ſpectant, atque ſimul ex-
 hibitas fuiſſe Imp. archetypas Ruperti Regis, Coloniae
 coronati, quæ documento eſſent, poſſe Colonienſem Ar-
 chiepiſcopum quocumq; loco ſuæ prouinciæ ſuo arbitra-
 tu coronationi locum præſignire: Hæc enim ideò notan-
 da, vt conſtet, quomodo ipſemet Colonienſes Archiepi-
 ſcopi ad ſuam tantum prouinciã & diocœſin in corona-
 tione reſpexerint.

45. Neque eſt, quod quis putet, vt opinatur autor ſcri-
 pti

pri Colonienſis, non eſſe rationi conſentaneum, explici-
 tas fuiſſe ab Imp. minutias quaſdam de ſeſſionis ratione
 inter Electores obſeruandâ, de ordine in deambulatione,
 in Eccleſiâ, & ad menſam tenendo, aliaque, quæ coſpe-
 ctant, aperte fuiſſe deciſâ, rem autem tanti momenti in
 dubio fuiſſe relictâ. Aut enim conſtitit Imp. de iure,
 quod Moguntinis Archiepiſcopis competit, coronandi
 Imperatores, ſi ſolennis illa inaugurationiſtituatur extra
 Colonienſem diœceſin, aut non: Si prius, non opus erat
 huius meminſſe: Quod ſi verò tum quoq; præuidit Imp.
 ſi talè quidquam contigiſſet, orituram contentionem in-
 ter vtrumque Electorem, prudentiſſimè diſſimulauit ca-
 ſum, quem rariùs euenturum ſatis ſcire poterat, cum per
 duo propemodum ſecula à Carolo Quarto non alibi, quâ
 in diœceſi Colonienſi inſtituta fuerit coronatio. Quas
 verò minutias vocat cauſæ Colonienſis Patronus, & uti-
 que ſunt maximi momenti, & tum in primis neceſſarium
 erat, vt declararentur. Reuoluenti enim memoriâ, quan-
 tum illæ minutiz maximis etiam principibus cordi ſint, &
 quantum ante promulgatam Auream bullam negotij ſæ-
 pe in imperio faceſſuerint, non videbuntur amplius eſſe
 minutiz aut indignæ, quæ deciderentur in publicâ impe-
 rij ſanctione. Moguntini enim Archiepiſcopi etſi ceſſe-
 rant Colonienſib⁹ iure coronandi in vrbe Aquisgrano nō
 tamen ideo in eâ vrbe & in Diœceſi Colonienſi etiam
 primo loco, vti deinde tranſactum fuit, ceſſerant. Qua-
 re, quum Engelbertus Colonienſis Elector Aquisgrani in
 coronatione Rudolphi I, in menſâ Regali dextrum Re-
 gis latus occuparet, interpoſuit protinus Elector Mogun-
 tinus Proteſtationem, quam factam eſſe, neque id Electro-
 ri Moguntino in poſterum fraudi fore, fuiſe etiam tum lite-
 ris confirmarunt ipſe Rex Rudolphus, cum Gertrude
 Regi-

Reginā, tum etiam Ludouicus Comes Palatinus Rheni,
 & Iohannes Marchio Brandenburgensis. Quum etiam
 in decreto Electionis Alberti Regis Romanorum Gerhar-
 dus Moguntinus Elector post Treuerensem fuisset loca-
 tus, Albertus Rex datis eodem anno 1298. literis ad Mo-
 guntinum id non scienter esse factum asseruit, & Archie-
 piscopos Moguntinos in ordine & honore processionis,
 sessionis, nominationis & scripturæ esse & locari debere
 priores sanxit. Hæ sunt igitur illæ minutiae, quæ moram
 iniiciebant grauissimis imperij negotijs, quas expediri
 maximum erat operæ pretium. Id enim cernimus Carolo
 IV. in primis fuisse propositum, vt expeditiorem pararet
 viam eligendi in posterum Romanorum Reges, & con-
 ueniendi ad solennem curiam, in qua de Imperij negotijs
 Imperator cum Electoribus & statibus Imperij delibera-
 ret. Antea enim omnis illa comitiorum ratio plurimum
 videtur fuisse confusa, & ab eo tempore magis magisque
 fuit ad meliorem ordinem redacta. Toties igitur occur-
 rente necessitate eligendi alios Reges, aut ad curiam so-
 lennem conueniendi, has vtrique minutias in primis ne-
 cesse erat è medio tolli, ne per eas starer quo minus ritè o-
 mnia in conuentibus Imperij fierent. Coronationis ve-
 rò, quod eius ratio tum forte expedita esset, non nisi pau-
 cis meminit, nec quicquam de eâ statuendo aut sancien-
 do præcepit. Et tamen varia sunt Electorum munia Ec-
 clesiasticorum in primis, quæ in coronatione obseruari so-
 lent, & olim se diuersimode habuerunt, si fides illis nar-
 ratis, quæ de coronatione Wilhelmi Hollandiæ Comitis
 & electi Romanorum Regis exstant ap. Ioh. à Beka, à
 Leidis, Reinerum Snoum, & Trithemium in chron.
 Hirsaug. Tum enim Moguntinus post solennem conse-
 crationem iterum cum iunxit, Colonienſis in Sede regia
 colloca-

collocavit, Bohemix Rex ei coronam, sed cum consensu Colonienſis, vti aiunt, impoſuit, ad quam tamen functionem ſola verba A. B. nemo forte reſtrinxit.

46. Quod quintum attinet, conſtat quidem quo tempore Maximilianus Secundus alijque deinceps Imp̃. coronati fuere, nondum fuiſſe inſulatos Archiepiſcopos Colonienſes, ſed tamen non liquet cauſæ Colonienſis patrono, an renunciaturi fuiſſent Moguntini iuri ſuo, ſi inſulati etiam Colonienſes Archiepiſcopi eam functionem ſibi aſſeruiſſent. Nihil enim quidquam contigit, ex quo conſtet, Moguntinos Archiepiſcopos ſeſe omnino & extra diœceſin Colonienſem hoc iure, quo antiquit̃ in ipſâ etiam huius diœceſi gaudebant, abdiçaſſe. Nunc verò, cum Colonienſes Archiepiſcopi tot coronationibus Imperatorum à Moguntino in Archicancellariatu Germanix peractis præſentes adfuerint, neque reſragati fuerint, nullâque ratione qua id fieri iura præſcribunt, ius quod hodie prætexunt tam amplum ſibi reſeruauerint, exiſtimari vtique debet, eos tacitè approbaſſe, quicquid fieri agiq; videbant, atque cognouiſſe rationem illam, quare olim Moguntini Archiepiſcopi paſſi ſint à ſe eam functionem in Colonienſes transferri, ne quid dicam, quod tot actibus exercitis, tot annorum & quidem immemoriali poſſeſſione, cuiſmodi iura transferri in alium & præſcribi poſſe atque ſolere in conſeſſo eſt.

47. Proteſtatio autem, quæ anno 1562. interpoſita fuiſſe dicitur, tum ſolâ Colonienſium actorum fidè niti-
tur, tum etiam ita concepta eſt, vt Moguntino nihil ob-
ſe poſſit. Quid enim tandem ſibi volunt illa verba: *Esſen
bittet Aſſe curation, daß ihme die coronation beſchehen durch
Mäyn / ſo Ihme vermög der gütten Wuſt gebühret / nicht
nachtheilig ſeyn ſolle.* Rectius enim eò intelligas, ne ea
functio

functio, tum à Moguntino peracta, ipsi oblit iterum aliquando coronaturo Aquisgrani. Alias enim si de coronatione Francofurti aut alibi extra diocesin Coloniensem peragenda sermo esset, maiori utique cautione opus erat; quâ in re viam ipsis semper monstravit vrbs Aquisgranensis, quæ sibi & iuri suo quò potuit semper meliori modo optimè cauit. Quod si Ferdinandus Secundus rem omnem in decreto coronationis in medio reliquit, id Moguntino Electori non nocet. Eâ enim ratione aliàs etiam Treuirensis Elector sese iterum huic contentioni ingerere possit. Quo verò magis præviderunt Colonienfes Archiepiscopi, & conijcere facile potuerunt, tot continuatis actibus ius aliquod Moguntino Archiepiscopo acquiri, neque tamen sibi legitima ratione cauerunt, eo minus nunc audiendi sunt.

48. Tandem fit ita, vt vult autor scripti Colonienfis, maneat id instar omnium argumentorû, quod actus nullus coronationis ante & post auream bullam à multis seculis afferri possit, quem Moguntinus Archiepiscopus Colonienfi præsentè & insulato peregerit: fit ita. Nonne vero in trium Maximorum Imperatorum, trium Ottonum, solennibus inaugurationibus, quibus Moguntini Archiepiscopi Aquisgrani fuere defuncti, præsentès fuerunt Colonienfes Archiepiscopi? Nonne Pelegrinus præsens fuit Moguntia, cum Aribò Conradum Secundum Regni diademate cingeret? Excidit igitur patronus causæ Colonienfis eo argumento, quod ipsi instar omnium est. Ab Henrici autem Tertij Imp. ætate per quingentos circiter annos Imperatores omnes fuere coronati Aquisgrani, aut alias in diocesi Colonienfi, si Rudolphum & Philippum excipias, vtrumque Moguntia quidem, sed illum à Moguntino Archiepiscopo, hunc à Tarantasiensi

H 2

Episco-

Episcopo coronatum, Moguntino peregre in Orientem profecto. Iungi etiam his potest Hermannus Rex à Sigefrido Moguntino Goslaræ coronatus. Quid autem Aquisgrani fieri debeat, de eo nunc quæstio nulla est.

49. At verò ait Patronus causæ Colonienfis, coronatam olim Alberti Imp. conjugem Elisabetham Wichboldus Colonienfis Archiepiscopus in solennicuria Noribergensi, præsentè Gerardo Moguntino Archiepiscopo. Ita est, dicunt hoc Cuspinianus & autor magni chronici Belgici: Qui Principes tum illuc conuenerint, tradit Stero ap. Canisium. Coronatam ibi Reginam ait autor chronici Colmariensis ab Vrstisio editi, qui tum vivebat. Gerardus quoque de Roo in historiâ Austriacâ huius quidem conuentus, coronationis tamen non meminit. Sed sit ita, ne historicorum quorundam fidem sollicitare videamur, quid tum? Coronauerat iam ante Aquisgrani Albertum Wichboldus Archiepiscopus: Concesserit igitur ei Gerardus Moguntinus coronationem non regis sed Reginæ. neque enim quomodo hæc acta sint, satis constat. Iniquus autem est autor scripti Colonienfis, quod ius sui Archiepiscopi vno aliquo actu Reginæ tantum de quo non satis liquet, stabiliri posse putat, Moguntino verò nullum ius reliquum facit, quod tamen tot continuatis actibus Regum Romanorum & Reginarum ante & post auream bullam nititur.

50. Non esse v. omnium Politicorum sententiam, quæ Patroni causæ Colonienfis, ostendi allatis superius eorum verbis & testimonijs. Carpzotius quoque cap. XI. sect. 10. de lege Regiâ, quum ius coronandi olim ad Electorem Moguntinū spectasse, deinde in Coloniensem translatum esse, & in aureâ bullâ maioris certitudinis gratiâ ei confirmatum dixisset, addit, *illam dignitatem tempore subsequenti*

*sequenti ad alios quoque Electores promanasse. Quin intuitu loci coronationis, hoc est, extra diocesin Colonien- sem, Francofurtinempē (in omni n. ceterā Germaniā id sibi vindicat meritō Moguntin⁹) id factū esse scribit, Aru- mæus diss: 2. ad A. B. th. 17. p. 137. Quod si igitur alia est Buxtorfj & Limnæi opinio, non tamen Colonienſes om- nes sibi omnino politicos habent consentientes. Petro Ostermanno haud iniuria oppono Joh. Georgium Her- wartum Cancellarium Bavaricum, rerum Germanica- rum & veteris hystoriæ peritissimum, qui Ludouici Quar- ti Imperatoris defenſi & iussu Electoris Bavarix editi p. 70. & 90. Colonienſem, disertè ait, *hodie id officium fungi, quod & consecratio & coronatio in suis finibus fiat, primò certe ad Moguntinum tanquam Germania Metropolitanum & Re- gni Cancellarium delatum fuisse.**

51. Quum igitur irrita sint omnia, quæcunq; à patro- no causæ Colonienſis pro vendicandâ suis Archiepisco- pis Regum Romanorum extra propriam diocesin coro- natione allata sunt; in promptu est, saluum esse ius suum Moguntinis Archiepiscopis, non ideo tantum, quod iam à tot annis non quidem præcariò, aut ex delegatione, ne- mine propemodum refragante Reges Romanorum co- ronauerint, sed propter multas & magnas rationes, qua- rum præcipuas passim in hac dissertatione adductas hic compendio colligo, &

52. Prima quidem fuerit, quia olim per aliquot secula solus Moguntinus hac dignitate resplenduit, neque aliam ob causam ad Colonienſes Archiepiscopos deinde trans- lata est, quam quod Vrbs Aquisgranum in eorum diocè- si esset sita, & Imperatores rogarent, vt hic honor habe- retur diocèsi Colonienſi. Postquam igitur placuit in ea Vrbe propter memoriam Caroli Magni coronari debere

Reges Romanorum, existimatum fuit fraudi fore Colonienſibus Archiepiſcopis ſi tam ſplendido munere in eorum diœceſi perpetuò alij fungerentur. Colonienſes quidem cauſam aliam nullam afferre poſſunt, neq; ob aliam tandem petentibus id Imperatoribus Moguntini Archiepiſcopi Colonienſi ceſſerunt. Quam acriter autem olim in Germania Archiepiſcopi & Epifcopi pro ſuarum diœceſeon iuribus & dignitate pugnarint, poterat multis exemplis oſtendi, ſi opus eſſet.

§3. II. Imp̃p. cum primum eliguntur, Germaniæ Reges ſunt; Romanorum autem Reges vocantur, quia, ſicut Moguntino, Colonienſi, Treuirenſi, dū ſunt Archiepiſcopi vt ſint Electores: ita ijs, qui Germaniæ Reges eliguntur, illa dignitas inſeparabiliter eſt annexa, vt ſint Reges Romanorum & Imperatores. Nā ea dignitas primū à Græcis ad Francos, qui tū antè magnæ Occidentis parti imperabant, deinde ad Germanos tranſiit, & ijs ita propria eſt, vt quemcunque Electores Regem Germaniæ elegerint, is etiam ſit Romanorum Rex. Iam verò moris eſt, vt à Metropolitano in quoque Regno, & primo quidem ſi plures ſint, Rex coronetur. Ita enim Reges Galliarum à Rheimenſi, Hiſpaniarum à Toletano, Angliæ à Cantuarienſi, Hungariæ, à Strigoniienſi, Poloniæ à Gneſnenſi, Sueciæ ab Upſalienſi, Daniæ à Lundeniſi, Neapolis à Neapolitano, Siciliæ à Panormitano, Archiepiſcopis &c. coronati fuerunt vt, Arumæus & Buxtorſius ad A. B. Viſcherus de Electione Regis Romanorum & paſſim autores teſtantur. Primus autem utique Metropolitanus in Germania eſt Moguntinus Archiepiſcopus, qui etiam aliquandiu ſolus fuit Metropolitanus in Regno Germaniæ propriè dicto, quod ampliffimam haberet diœceſin, qua nihilominus adhuc hodie longè eminet præ omnibus Germaniæ Archiepi-

chiepiscopis. Vnde frequenter eum reperias apud antiquos autores appellari *summum Pontificem, summum Praesulem, Metropolis Moguntia Archiepiscopum, Metropolitanum Germania, Protopraesulem* in quibusdam Imperatorum donationibus, & similibus verbis. Moguntia enim à Zacharia Pontifice, & à Francorum Principibus constituta erat *totius Germania Metropolis*, siue ut in vitâ Bonifacii legitur, *totius Germania Ecclesiarum metropolis*: & ipsam Ecclesiam Moguntinam sæpe appellant Imperatores in suis diplomatibus *principalem imperij columnam*. Non opus est colligere omnia quæ huc faciant, plurima enim sunt. Notatu in primis dignum est, quod Conradus à Lichtenaw Abbas Urspergensis, suo adhuc tempore ne quis antiquissimis tantum temporibus Moguntinam sedem eminuisse putet, ad annum 1121. Moguntiam *totius Germania Metropolin* vocat & Moguntinum Archiepiscopum ait *multiformiter in Cisalpinis partibus tenere primatum*. Colonia autem & Augusta Treuironum erant Metropoles in Regno Lotharij, quod diu fuit à Regno Germaniæ separatum, & vocantur sæpe apud veteres Metropoles Galliarum, & proceres in regno Lotharingico, etiam postquam accesserunt iterum ad Germaniæ regnum, sub nomine Lothariensium sæpe res suas seorsim à reliquis egerunt. Tam olim quoque, quum quicquid in Germania tenebant Romani, in duas prouincias diuisum esset, Germaniam primam & secundam, dignior erat Metropolis Moguntina Coloniensi, & illius Dux hunc præcedebat. Erat quidem etiam in Norico Metropolitanus Iuuuauensis siue Salisburgensis, & pallium habebat à Pontifice, magna tamen ei erat cum Laureacensi contentio, & versus Pannoniam eius se porrigebat Prouincia. Hamburgensis autem Septentrionalium Prouinciarum Metropolis.

ropolitanus erat. Moguntinus igitur Archiepiscopus solus pene erat in initio in Germaniæ Regno propriè dictus Metropolitanus, à qua primi Metropolitanì in Germaniâ dignitate etiâ retinuit, quod Germaniæ est Archicancellarius, quod ad Electionē Principes Electores conuocat, quod primam vocem olim habuit, multaque alia, & nunc ad ipsum spectant & olim expedit quæ cum in Germaniâ præcipuè esse dignitatis ostendunt. Quanquam enim cap. IV. A. B. prima vox hætenus Treuirensi dicitur competisse, id vtrique de tempore auream bullam paullo antecedente, quum Electorum Collegium rectè constitueretur, intelligendum fuerit. Antea enim quum de septem quidem in primis Electorum, sed de aliorum etiam Principum suffragio, sollicitos esse oporteret Imperij Candidatos, prima vox Moguntini erat Archiepiscopi, vt antiqui omnes scriptores testantur. Vbi enim magnus eorum numerus est, qui sententiam rogantur, plurimum refert, quis primam sententiam dicat; vbi pauci, quis postremus vni parti accedat & concludat. Quare cum hæc omnia ita se habeant, in aperto est ratio, cur olim Moguntini Archiepiscopi passim in Germania & in ipsa vrbe Aquisgrano præsentibus Electoribus Colonien-sibus Reges Romanorum coronauerint, & cur hodie, postquam se isthoc iure sponte abdicarunt, propter honorem Ecclesiæ Colonien-sis & eius diocesis delatum, si quam tamen extra eam, vel in eius diocesi propria aut Archicancellariatu inaugurationem solennem fieri necesse sit, ad neminem ea alium, quam Moguntinum Archiepiscopum spectare possit.

54. III. Non est vel sanctio vlla, vel vsus prædecessorum, quibus Moguntino Archiepiscopo ius suum eripiat, aut eius in Germaniâ autoritas, quæ illi cetero primo Metro-

Metropolitano & Germaniæ ArchiCancellario competit, restringatur. A. B. vult cuique Electori facta esse sua iura. Nihil illa constituit, quod Moguntino damno sit; En ipsa verba: *Quotiens & quando deinceps sacrum vacare contingeret Imperium, ex tunc Moguntinensis Archiepiscopus potestatem habebit, sicut potestatem habuisse dignoscitur ab antiquo, ceteros Principes, suos in dictâ electione consortes, literariorum conuocandi. Quibus omnibus seu his qui potuerint & voluerint interesse in electionis termino inuicem congregatis, dictus Archiepiscopus Moguntinensis & non aliter, eorundem coelectorum suorum vota singulariter habebit inquirere ordine subsequenti. Primo quidem interrogabit à Treuirensi Archiepiscopo, cui primam vocem competere declaramus, sicut inuenimus hætenus competijisse: Secundo à Colonienfi, cui competit dignitas & officium Romanorum Regi primum diadema Regium imponendi: Tertiò à Rege Bohemia, qui inter Electores laicos ex Regia dignitatis fastigio iure & merito obtinebit primatiam.*

Quod cæteros Electores attinet, decernit & statuit Imp., quid eis faciendum sit, de Electore a. Colonienfi tantum testatur & narrat, quid ei competat. Neque enim hoc capite, vt quidam volunt, quæ cuique Electori prærogatiua propria sit; narratur, sed de ordine potissimum in dicendâ sententia agitur, cui probando ratio adiungitur, quare Electorum vota inquirere Moguntinus, Treuirensis primus sententiam, & tertio seu primo inter Electores laicos loco Bohemus dicere debeant. Quare autem Elector Colonienfis secundus rogari debeat sententiam, nulla ratione opus erat. Alio enim loco collocari minimè poterat. Quoniam igitur de coronatione nihil præterea in Auræ Bullâ statutum est, quod longâ consuetudine hætenus obtinuêrat, id ei merito competere

tere ab Imp. affirmatur. Aliàs enim, nullane sunt Electorum Palatini & Saxonis priuilegia? Nunquid de nihilo est, vacante Imperio eos esse Imperij Vicarios? Fortassis hoc etiam præstat iure coronandi Reges Romanorum. Nulla tamen eius hoc quidem capite fit mentio.

55. IV. Quum igitur Aurea bulla nihil proprie definiuerit, sed tantum confirmauerit ius quod tum Colonienſis vſu obtinuerat, ius autem consecrandi extra Diœcesin adhuc integrum fuerit Moguntino Electori, non potest vtique dici id per auream Bullam Moguntino esse ademptum. Illa enim, vt aliæ etiam leges, relinquit omnia in statu priori, nisi quatenus ex fertè quid porrò sciscit aut mutat. Nihil verò hic neque tacite neque expresse mutat. Notum verò est, omnia, quæ viui legis habent, eo sensu capi debere, qui vſui & cōsuetudini anteriori quàm minimè repugnet, qui vſus relictus integer esse censetur, nisi ei expressis in contrarium verbis derogetur. Neque minus clarum est, quum lex super aliquâ re dispenit, quæ iam antea fuit certo more modo ac vſu & actibus nonnullis affecta, eam rem vltra decisam mutatam aut determinatam haud intelligi, nisi quâ legislator diserte se explicat. Tum enim manet qualis in vſu habita hætenus fuit, & non tollitur, neque variatur. Sed neque etiam quicquam tunc ei vel in substantia vel in quantitate adiicitur, nedum in circumſtantijs loci aut temporis. Quod si igitur generalitas verborum aureæ bullæ vrgenda est, potiore vtique iure illa pro Moguntinis facit, nihil aliud postulantiſ, quam vt in eo statu maneat ius consecrandi Romanorum Reges, in quo fuit priori tempore, quo Moguntini, permiſſâ tandem Colonienſibus Archiepiſcopis coronatione in eorum diœceſi, extra eam tamen sibi ius suum integrum retinuerunt, & postea factū rectum semper

per conseruasse meritò intelliguntur. Sin autem Aurea bulla rem omnem sola nunc pro Colonienſibus Archiepiſcopis manifeſte conficit, neque eius interpretatio à priori nunquã antiquata obſeruatiōe dependet, cur non eam ſolam vrget Colonienſis cauſæ patronus? Cur ſuis Electoribus, contra omnium tam veterum quam recentium ſcriptorum apertam ſententiam, arrogat coronationem omnium Imperatorum & Regum, quotquot à Ludouico Pio uſque ad Henricum III. in Germaniã ſunt coronati? Cur, ut id obrineat, veterum ſcriptorum mentem inuertit? Nempe, ne fateri cogatur, Moguntinum propter honorem diœceſeos iuri ſuo, quod in totã Germaniã habebat, Colonienſi Aquisgrani ceſſiſſe. Cur venditat priuilegia à Leone III. & Carolo M. Colonienſi Archiepiſcopo collata, quum nulla vnquam fuerint, ſi Aurea bulla adeo manifeſte pro Colonienſi totam controuerſiam deciderit? Cur denique non pari candore concedit Moguntinis, priores Henrico III. Imperatores ab iſtis fuiſſe coronatos, atque illi Colonienſibus omnium poſequentium Regum cōſecrationem, Aquisgraniaut aliàs in eorum diœceſi inſtitutam, uſque ad Maximilianum II. per tot ſecula, ne fides veteribus monumentis detraha-
tur, haud inuiti largiuntur? Vidit quanti id intereſſet, & ideo hoc obſtaculum remouere voluit. Quia vero id non potuit & tamen agnouit, tanto magis ſuam cauſam, atque ſuam pragmaticæ Caroli IV. ſanctiōis interpretationem ſuſpectam, noſtram reddidit meliorem & planè ſuã probabiliorem.

56. V. Non alia utique cauſa eſt, quod toties exortæ fuerunt lites atque contentiones inter Moguntinum, Colonienſem & Trevirenſem Archiepiſcopos, quàm quod Colonienſis & Trevirenſis Metropolitani fuerant

in regno Lotharingico, Moguntinus autem in regno Germanico primus erat Metropolitanus. Quare Moguntinus nunquam cum reliquis in Germaniâ Archiepiscopis ulla fuit controversia, quamvis ex ijs nonnulli Primatis & Patriarchæ appellationem sibi deberi contenderent. Manfit enim penes Moguntinum semper honos primi Metropolitanus. Et si igitur Coloniensibus Archiepiscopis fuit forte aliqua ratio sibi coronandi munus Aquisgrani adsciiscendi, quod ea urbs pars esset regni Lotharingici & diœceseos Coloniensis, nullo tamen penitus jure nititur Coloniensis Archiepiscopus, quo sibi hoc officium coronandi Germaniæ & Romanorum Regem in ipsa speciali diœcesi Moguntinâ, (Maximilianus enim II. Matthias & Ferdinandus II. Francofurti fuere consecrati,) attribueret, & primo Germaniæ Metropolitano atque Archicancellario adimere possit, qui cum propter honorem diœceseos juri suo in ipsâ etiam urbe Aquisgrano coronandi Reges Romanorum à Pontificibus approbato & Regum multorum coronationibus confirmato, cesserint, iniquum utique fuerit, si illa cessio, limitata & restricta, etiam extra diœcesin Coloniensem juri primi Metropolitanus fraudi esse, & hodie in pari causâ neque Metropolis primæ neque diœceseos ulla haberi ratio debeat.

57. VI. Non tantum facit pro Moguntino Electore, quod penes sedis illius Archiepiscopos per tria secula usque ad Henricum III. fuit semper ius coronandi Reges Romanorum aut Germaniæ, (neque enim primo illo tempore Reges omnes Germaniæ protinus Romanorum etiam Reges erant) sed etiam, quod Moguntini Archiepiscopi postquam eo iure Coloniensibus Archiepiscopis cesserant, quamprimum muneri suo spolis deesse viderentur, in ipsa urbe Aquisgrano Reges Romanorum consecrandi

crandi officium ad se solos iterum spectare existimarunt, neque ulli alij, vt eomunere fungerentur, permiserunt. Conradum quidem III. consecrauit Aquisgrani Theodoinus Cardinalis Episcopus, quod Coloniensis nondum Pallium Romā accepisset, Moguntina verò Ecclesia tum pastore suo eratorbata, vti ex Dodechino continuatore Mariani Scoti & alijs eius temporis scriptoribus liquet. Otto quoq; Frisingensis *lib. 2. cap. VII.* Treuirensis tantum & Coloniensis meminit, qui Theodoino adstiterint. Alias enim Moguntinus haud dubie eo fuisset functurus officio. Manifestum vtrique hoc est veteris iuris indicium, quo Moguntini quoad urbem Aquisgranum se abdicauerant. Contendente igitur cum Moguntino Treuerensi, quum Ludouicus Bauarus esset coronandus, etsi summa erat Ludouico cum Treuerensi necessitudo, pro Moguntino tamen sententiam tulit, pro quo ea vtrique ratio faciebat, quod ille inri suo Coloniensi Archiepiscopo & non alij cesserat. Quod si enim Moguntinis Archiepiscopis nullum vnquam in consecrandis Regibus Romanorum ius fuit, vt Coloniensis Patronus venditar, qui factum, quod pro Moguntino sententia est lata, quod nemo se præterea coronationi Regum ingerere ausus est? Vti igitur pro Petro Mog. Archiepiscopo stetit Ludouicus Imperator, quod Moguntini cessio tantum fuerat limitata, quod *personam* Coloniensis attinet, ita etiam nunc eadem ratio est, quum de *loco* coronationis extra diocēsin Coloniensis quæritur. Neque enim ratio est, quare Moguntinus Archiepiscopus cesserit potius Coloniensi, quam Treuirensi, hoc etiam sibi eam arrogante, nisi quod Aquisgrani in illius diocēsi consecrari Reges moris esset. Vtroque enim, quod primi Metropolitanī in Germaniā honorem attinet, prior est Moguntinus Archiepiscopus,

& propter eam causam per complures annos Aquisgranietiam Reges consecrauerat. Dicant Colonienſes aliam ſi quam habent, quæ tecerit, ut ipſi præ Treuirenſi Archiepiſcopo, Moguntiniſ veteri ſuo iure cedentibus, coronationem obtinuerint. Certè quanti antehac factus fuerit, ac hodieque fieri debeat, honos Diœceſeos, nemo neſcit.


§8. VII. Denique non eſt dubium, ex omnium prorsus autorum ſententia & conſuetudine regnorū Orbis Chriſtiani, ubi ritus consecrandi in uſu eſt, quin Imperatores & Reges consecrandi & coronandi dignitas communiter ad primum in quoque regno & Imperio Eccleſiaſticum ſpectet, qui plerumque toleretiam eſſe legatus Apoſtolicus, quo honore legati & Vicarij Apoſtolicj neque Moguntini Archiepiſcopi à S. Bonifacio uſque caruerunt. Non alio verò jure olim Moguntini Archiepiſcopi coronarunt Reges Bohemiar, quam quod primi eſſent & Metropolitani in eo Regno. Quamprimum verò ipſis conſcientibus Praga in Metropoliſ eſt erecta, hoc jus in Pragenſem Archiepiſcopum tranſlatum eſt, quia ipſi primi ſive potius Metropolitani in regno Bohemiar eſſe deſierant. Deinde ſanxit Imp. in A. B. etſi Moguntini Electores primum aliàs ubique locum ſibi deberi affirmabant, illum tamen in poſterum in Coloniienſi diœceſi & extra illam provinciam in Italia & Galliâ penes Coloniienſem Electorem futurum, ita ut is in illis provinciis dextrum latus Imperatoris claudat. Iam verò ſi Coloniienſi permittatur etiam in diœceſi Moguntina & in parte Archi-Cancellariatus, quæ ad Coloniienſem diœceſin non ſpectat, ubi primus locus ſummo jure & nemine refragante Moguntino debetur, coronare Reges Roman. quis non videt, minimè obſervari, quod Imp. prudentiſſime

sime constituit, & præcipuum officium Ecclesiasticum in diœcesi Moguntina Coloniensi tribui, & omnem rectè constitutum ordinem subverti? Vel ex hoc solo constar, cur Moguntini Archiepiscopi rogatu Imperatoris cessent Coloniensi Archiepiscopo, & honorem illum diœcesi habuerint, ut Aquilgrani coronaret deinceps, & cur propter eandem causam nequeat Coloniensis Elector sibi ullo jure arrogare id muneris in Diœcesi & Archicancelariatu Moguntino. Quare autem Salisburgenses Archiepiscopi, quum Ratisbonæ, quæ in eorum est archidiœcesi, inaugurati fuere Reges Rom. sibi illud munus nunquam asserere ausi fuerint, neque possint, (hoc enim argumento existimat patronus causæ Coloniensis labefactari posse quæ pro Moguntino Archiepiscopo fuere allata) satis ex his constat. Neq; enim Moguntinus juri suo, quod habet in tota Germaniâ, in diœcesi Salisburgensi, uti nec alibi per Germaniam, renunciavit, sicut tantum cessit Aquilgrani, quod Archiepiscopus Coloniensis illic jus diœcesios prætenderet; cessit autem præcipuè tum rogatu Imperatoris, quum crederetur in urbe Aquilgrano statâ esse oportere consecrationē. Quod autem Ratisbonæ interdum coronati fuere Imperatores, id casu quodam factum est, quod Aquilgrani adiri commodè non posset. Tum etiam nulla est Moguntino cum Salisburgensi Archiepiscopo loci competentia, sicut ex decreto aureæ bullæ est Coloniensi cum Moguntino in diœcesi Coloniensi.

59. Quum igitur per tria fere secula officium consecrandi Reges Germaniæ penes Moguntinos fuerit Archiepiscopos, atque illi propter honorem diœceseos, rogatuque Imperatoris, tandem Coloniensibus Archiepiscopis Aquilgrani cesserint, neque aurea bulla quicquam amplius Coloniensi Archiepiscopo testetur competere, quam

quam quod demum post Henricum Tertium Imp. quâ-
dam consuetudine acquisiuerat, per eam autem, & cessionem
Moguntini, tantum consecrationem aquisgrani, &
in reliquâ suâ diœcesi, per agendam obtinuerit, omnia
liquoque reliquo jure in universâ ceterâ Germaniâ penes
Moguntinum archiepiscopum salvo manente; æqui le-
ctoris judicio arbitrandum permittitur, an Colonienses
Electores, (qui *ob solam diœcesios rationem* contendere
cum Moguntino Electore cœperunt, & solo hoc nomi-
ne pro illis aurea bulla memorat) hodie jus etiam extra
diœcesin suam in totâ Germaniâ consecrandi Reges Ger-
manicæ, invito Moguntino Electore, sibi ullo obtentu
possint adsciscere. Certè usum juris coronandi ea qui-
dem argumenta, quæ Coloniensis scripti auctor ha-
ctenus protulit, Moguntino Electori
non eripient.

F I N I S.



Aut
1312261